

# Romanos

Mamabuinore coyũiyebu Pablo b́acu ũi toivaicõjeiye báquede paperayocare Roma ámicurĩĩmarocavũ Jesúre ju aipõevare. Pablo b́acu judíovacacu b́acuvacari, Jesús ũi yávaiye méne beorĩ coyũicõjeimũ marejaquémavũ, coyũcuyũ ũi yávaiye méne judíova ánevure, judíova ne ju abe boje ũi coyũiyede. Lucas b́acu coyũrejaquemavũ Pablo b́acui borore Hch 7:57-8:1, 9:1-31, 13:1-28:31, aru ũi cuede Roma ámicurĩĩmaroi Hch 28:14-31. Javede Pablo b́acure toivacaipõescu b́acure toivaicõjenejaquemavũ pũcayoca ũi paperayocare Tesalónica ámicurĩĩmarocavure, aru pũcayoca ũi paperayocare Corinto ámicurĩĩmarocavure, aru ũi paperayocare Galacia ámicurijoborõcavure máre, ũi toivaicõjeiquiye jipocai Tercio b́acure iyoca paperayocare Roma ámicurĩĩmarocavure (16:22). Pablo b́acu coyũrejaquemavũ ũre toivacaipõescu b́acure aipe ũi toivacaquiyẽ báquede diyocare. Toivaicõjenejaquemavũ diyocare ániũjua báquede 56-57 d.C., yóbescue ũi cucũniyede, coyũcuyũ Jesús ũi yávaiye méne. Majidivũ ne dápiayere, curejaquemavũ Grecia ámicurijoborõi, Corinto ámicurĩĩmaroi, o apeno imaro díjborõcaĩmaroi ũi toivaicõjeiyede diyocare.

Diyocaque Pablo b́acu coyũrejaquemavũ caivũ põeva ne boropateiyede Jũmenijicui jáĩnore, Jesucristoi boropatebede Jũmenijicui jáĩnore, põeva ne boropatebede Jũmenijicui jáĩnore ju aivũ baru Jesucristore, aru Jesucristoi boropatebede ðaimarare ðaiye jaurõre yópe Jũmenijicui urõpe Espĩritu Santoi caðateiyequẽ.

## Pablo ũi meaicõjeino Romacavure

(Mt 1.1, 12.23)

**1** <sup>1</sup>Yũ, Pablo, toivaicõjeivũ apescure iyoca paperayocare mũja Roma ámicurĩĩmarocavure. Jesucristore memecayũbu yũ. Jũmenijicui beorĩ epeibi yũre Jesús ũi yávaiye méne beorĩ coyũicõjeimũre, ji coyũquiyere ayũ ũi yávaiye méne, meaðaiyede caivũ põevare.

<sup>2</sup>Javede iye yávaiye méne Jũmenijicui, “Yópe jáve ðacacũyũmu yũ põevare”, arejaquemavũ. Aru toivaicõjenejaquemavũ ina ũi yávaiyede coyũcaipõeva mácavure diede, ũi yávaiyede. <sup>3</sup>Iye yávaiye méque Jũmenijicui coyũibi mamacui borore. Ũi mácu, ñai cucũ cainũmua, põetedejaquemavũ ũmũvape ijãravũi. Jũmenijicui mácu, maje jabocu Jesucristo, ñai jabocu David b́acui pãramecũbe ũ. Que baru Jesucristo põecũbe, ũi ũmũvape árojæ boje.

<sup>4</sup>Ũbenita Jũmenijicui jáðovaimi

parũrõreca caivũ põevare maje jabocu Jesucristo mamacure. Jũmenijicui jáðovarejaquemavũ diede jáveneca ũi nacovaiye báquede Jesucristore yainore jarũvarĩ. Que baru Jesucristo Jũmenijicui mácu, ũi ũmepe me cue boje. <sup>5</sup>Jũmenijicui Jesucristore epede ðaibi ñũjare Jesús ũi yávaiye méne beorĩ coyũicõjeimarare, ũi mearo ðacaiye boje bojecũbeda, ñũje coyũrãjiyere ayũ caino joborõcavure, ne ju arãjiyere ayũ Jesús ũi yávaiye méne, ne ðarãjiyere ayũ ũi urõpe, apevu máre ne jĩnajiyere ayũ mearore ũre. <sup>6</sup>Aru mũja máre nácvũbu. Jesucristo ũi beoimaratumu mũja. Ũ jĩnamu mũja.

<sup>7</sup>Caivũ mũjare, Jũmenijicui umarare, Romacavure, Jũmenijicui beorejaquemavũ mũjare ũ jina márãjivure. Majepacu Jũmenijicui, maje jabocu Jesucristomaque, mearo ðacajacurĩ mũjare bojecũbeda ũi me boje. Aru torojurĩ cure ðajacurĩ mũjare cãrijimevũva.

**Pablo ùi jácunuiyurō Romacavure**  
(Hch 19.21)

<sup>8</sup>Mamarumure soyuiyuvu mujare yópe: Caivu ijāravucavu jápiaivubu muje borore, muje ju aye boje Jesucristore. Que baru yu jíyubu torojuede Jūmenijicure ñuje baju urōque muje ju aye boje úre. Jesucristobe cadateni, “Pueno baju meacubu mu”, Jūmenijicure yure are ðayv, obedivu pōeva ne jápiaie boje muje ju aiyede Jesucristore. <sup>9</sup>Yv memecayubu Jūmenijicure ji úmei ji bueiyeede pōevare ùi yávaie méne Jesucristorā. Cainumua ji soyuiyede Jūmenijicure jēniacavayubu mujare. Jūmenijicuvacari majibi jáve ji soyuiyede. <sup>10</sup>Javemiareca jácunuiyuriduiyv yu mujare. Que baru jēniavayubu Jūmenijicure, ùi járe ðacunure ðaquiepe ayu mujare. Aru ùi urīburu, jácunucuyumu mujare. <sup>11</sup>Pare jáiyuvu mujare, cadatecuyv mujare yópe ñai Espiritu Santoi cadateiepe yure, muje pueno parūiime cvarājiyepe ayv muje ju aiyede Jesúre. <sup>12</sup>Yópe ayubu yv: Muja máre yure cadatenajaramu. Aru mujare máre yv cadatecuyumu. Aru cūináturu torojurivv cadatenajarevv maje bajumia.

<sup>13</sup>Muja, jíyv, majijarā iyede: Obedinumua jácunuiyuriducacv yv mujare, buescyv mujacavure máre, ne ju arājiyepe ayv Jesúre nópe ji bueiypedeca apenoa ímaroai apeyajuboacavure, ne ju arājiyepe ayv napedeca. Ubenita ñri buojabevv yv muje yebare cáreja. <sup>14</sup>Soyuiye javv yure Jūmenijicui yávaie méne caivv pōevare, ina yávaivure ñuje yávaicamuare aru ina apecamua yávaivure máre, aru majidivure aru majibevure máre. <sup>15</sup>Que baru yácarūravv uetubevv bueiycv iye yávaie méne mujare, Romacavure, máre.

**Pablo ùi soyuiino Jūmenijicui yávaie me paruéde**

(Mr 8.38; 1 Co 1.18; Gá 3.11; He 10.35)

<sup>16</sup>Suyevv yv Jesús ùi yávaie méne soyuyv. Jáve majivv yv caivv

pōeva ne jápiaru diede, aru ne ju aru Jesúre, Jūmenijicv meadacuyure náre ùi paruéque. Mamarumure Jūmenijicv meadaiyurejaquemavv judíovare caivv jipocamia. Ubenita caride ù meadaiyubi judíova ámevure máre. <sup>17</sup>Jūmenijicui yávaie méque coreóvaivubu aipe ðari Jūmenijicv “Boropatebev v muja ji jáinore”, ùi aiyede majare. Jūmenijicv yópe ðacaibi ina Jesúre ju aivure. Cūinájāravv ne jápiaiyede ùi yávaie yede ju adama úre. Aru no yóboi caijāravva ju adama úre cainumua. Javede yópe arī, Jūmenijicv toivaicōjenejaquemavv ùi yávaie yede: “Ina Jūmenijicui boropatebede ðaimara mácavv ne ju aye boje úre, apurājivvuvv cainumua. Que baru coatede ðabemara márājivvubu na Jūmenijicure jarūvari”, toivaicōjenejaquemavv Jūmenijicv.

**Pablo ùi soyuiino pōeva ne ámeina ðaiyede**  
(Ef 4.17-18)

<sup>18</sup>Jūmenijicv cavarō mearocacv jorojīni jáimi pōevare ne pueðabe boje úre aru ne ámeina teie boje apenueque. Que baru Jūmenijicv ñájine ðaibi náre ne árumetede ðaiye boje ne bajumia Jūmenijicui yávaie yede jávene. <sup>19</sup>Pōeva coreóvari buojadama apējinore aipe árojacure Jūmenijicure. Uvacari jáðovaimi náre aipe coreóvari buojarājivure aipe árojacure úre. Que teni cuedaibi náre, ne coreóvarājiyepe ayv úre. <sup>20</sup>Jūmenijicure ñame buojari jámema. Ubenita jáinomu ùi paruéde cūiméne. Que baru Jūmenijicui caiyede cuedaijāravv bácarōmata pv caride máre, caivv pōeva coreóvari buojadama aipe árojacure Jūmenijicure aru ùi paruéde máre, ùi cuedaiye boje. Jūmenijicui ðaiye báquede jári, caivv coreóvaivubu úre. Que baru ùi pōevare ñájine ðaiyede ñame “Jūmenijicure coreóvabeteccv yv” arī buojabenama na.

<sup>21</sup>Pōeva coreóvadama ñai Jūmenijicv parucv baju cūcure. Ubenita mearore jíbenama úre pueno baju meacure.

Aru torojuede máre jíbenama úre. “Meacubu mu”, aru “Meavu mi ñacaiyede ñujare”, ye abenama úre. Quénora ubenina dápiadama na. Aru jápiari coreóvabenama na. Aru áme matuiye dápiadama na árumevure. <sup>22</sup>“Me coreóvaivubu ñuja”, aríduyama na. Ubenita que aivuvacari árumevu tede nuñama na. <sup>23</sup>Dajocadama na ne mearore jíyede Jūmenijicure, ñai cainumua cūcure. Quénora mearore jíyama na pépeimarare, ne puruáque ñaimara mácvare, yópe yainájivure majapedeca, apevu ūmuvare, aru apevu mǐjinape, apevu áimarape, aru apevu papeivure paivure máre.

<sup>24</sup>Ne Jūmenijicure dajocaiye boje, Jūmenijicu máre dajocaibi náre, ne ñarājiyepe ayu yópe ne ámeina ñaiyere. Que teni pōeva cūyojarō vaiye báque boje urarō ijete ñadama na ne bajure. <sup>25</sup>Ju aiyubenama iye yáviyede jávene Jūmenijicūrā. Quénora ju adama borocuede. Mearore jíyama aru pueñadama Jūmenijicui cuedaiye báquede. Ubenita Jūmenijicure, caiyede ñayū bácvare, pueñabeni mearore jíbenama na. Aru ñari jáñovamenama ne pueñaiyede úre. Ubenita mearore jíyave javu Jūmenijicure caivu, aru cainumua. Quédecabu.

<sup>26</sup>Que baru Jūmenijicu dajocaibi náre, ne cūvarājiyepe ayu ne ámeina ñaiyuede aru ne cūyojarōre máre ñarājiyepe ayu. Que teni nomiva ámeina ñadama ne bajure. Dajocarī ūmuvaque ne ñajuroede, ñadama ne bajumia apevu nomivaque.

<sup>27</sup>Aru ūmuva máre nopede ñameina ñadama ne bajure. Parūrōreca ūma apevu ūmuvare. Dajocarī nomivaque ne ñajuroede, ñadama ne bajumia apevu ūmuvaque. Cūyojarō bajubu nópe ne ñaino. Que baru ijete ñadama na ne bajure, ne ámeina ñaiye boje.

<sup>28</sup>Pōeva majibenama Jūmenijicure. Ne Jūmenijicui yáviyede jávene coyuiyede jápiayube báque boje, Jūmenijicu dajocaibi náre, ne ñarājiyepe ayu yópe ne ámeina pueno baju ñare nuíye urōpe, ámeno vainájiyepe ayu. <sup>29</sup>Quédata

cainumua ámeina baju ñadama na. Ámeina ñari, apevure máre ñare ñaiyuma na. Jecuma na pueno urarō ne cūvaede. Ámeina dápiadama apevure, ñaiyuvu náre ámenore. Jorojñama na. Pōevare boarī jaruvadama na. Jararī pare, ádamateiyuma na. Jūjovadama na. Ámeina árojama ne baju. Yávadama jápiabenoí ámenore apevui borore. <sup>30</sup>Coyuyama ámenore caivu ne jápiainoí apevui borore. Ámeina jádama Jūmenijicure, aru Jūmenijicu máre náre ámeina jáimi. Ye baju ámeina apevure. Dápiadama ne baju “¿Meara márica apevu pueno?” Aru, “Mearatamu ñuja apevu pueno”, adama na. Mamae ámeina teiyede cuedadama na. Ju abenama nébucuvare. <sup>31</sup>Jápiari majibenama na. Ñabenama nópe “Ñarājivū”, ne aiyé báquepe. Apevure jáiyubenama na, aru névu bajure, ne cūramicavure máre ubema na. Apevu ne ámeina ñaiyede náre, pueno bajura ñari árumeteiyubenama na. Aru apevure máre cōmaje ároje jáiyubenama na. <sup>32</sup>Majima me bajureca Jūmenijicu ñajicōjeñure ūi ñaicōjeiyequé caivu yópe ámeina ñaiyure. Coavacuyume náre úre jaruvarī, ne ámeina teiyé boje. Ubenita pueno urarō ñare nuñama na. Aru torojurivū me jádama apevu ámeina teivure náre ámeina ñaiyure. Aru, “Me ñadama”, adama na ne borore.

**Jūmenijicu ūi coyuno pōevare ne ñaiye méne o ámeina**

(Mt 7.1, 16.27; Lc 6.37; 2 Ti 4.14)

**2**<sup>1</sup>Mu ayu baru apevu ne borore, “Ñájiye javu náre ne ámeina teiyé boje”, arī buojabevu “Ámeina ñabevu yu. Que baru ñájiye javbevū yure”. Mi coreóviyede apevu ne ámeina teiyede, mu máre pōescurecabu. Que baru napede ñameina ñayubu mu. Que baru “Apevure ñájiye javvu” mi aru, “Yure máre ñájiye javvu”, ainopebu no. <sup>2</sup>Majivu maja jáveque Jūmenijicu ñajine ñayure caivu ina nópe ámeina ñaiyure. <sup>3</sup>Jūmenijicui aru apevure “Ñájinajaramu muja muje ámeina teiyé boje”,

dápiabejacu m̄, p̄oc̄eure, mi nápe cūináturu teiyede Jūmenijicu abecuyure mure máre, “Ñájcuyutu m̄ mi ámeina teiye boje”. Nópe jāve acuyume mure. Aru, “¿Ñájimesc̄va vaiquídica?” arí dápiabejacu m̄, mi ámeina teiye boje. Jūmenijicu jāve ñájine đacuyume mure máre. <sup>4</sup>Puedabecure tebejacu m̄ Jūmenijicure, ũi pare mearo cūiméno boje. Jūmenijicu cōmaje āroje jáimi mure. Duibajiena napini coreibi mure. Coreóvajacu m̄ jāve Jūmenijicu meacure múque, ũi ue boje mi jaruvaquiyede mi ámeina teiyede. Mi oatvayiye boje, mearo đacacuyume mure. <sup>5</sup>Ūbenita mi ámeūme boje, āmepedabu m̄. Đaiyubevu m̄ yópe Jūmenijicui urópe. Ūre jápiaiyubevu aru mi đaiyede máre oatvayiubevu m̄. Que teni p̄eno āmeno baju đayubu m̄ mi p̄eno urarō baju ñájiqiyede Jūmenijicui ñájiovaquijāravu baquinói p̄ovare, ne ámeina teiye boje. Dijāravu baquinói caivu p̄ovare Jūmenijicu jácuyume cūináturu. Aru jorojini jári, ñájine đacuyume náre, ne ámeina teiye boje. <sup>6</sup>Dijāravu baquinói Jūmenijicu bojedacuyume caivu p̄ovare náre coapa yópe ne đaiye báquepedeca ijāravure.

<sup>7</sup>P̄eva cainum̄a mearo đaivu baru arevure, aru urivu baru Jūmenijicui đaquiyere aivu náre meara baju yópe ũi urópe, aru urivu baru Jūmenijicui coyūquiyere aivu náre “Mearo đaiyubu m̄ja” ainore máre, aru urivu baru Jūmenijicui apure đaquiyere aivu náre cainum̄a, ne coatebenajiyere ayu ũre jaruvarí, nárecabu Jūmenijicui cūre đaquimara jāravu cūiméjāravu baquinóre ũque. <sup>8</sup>Ūbenita p̄eva ne urópe cainum̄a đaivu baru Jūmenijicui urō p̄eno, aru dápiabevu baru Jūmenijicure, jápiaiyubevu baru ũi yáviyede jāvene, aru ju abevu baru ũre, quéda đaivu baru āmenore cainum̄a, ámeina đarājivu, nárecabu Jūmenijicui jorojini ñájine đaquimara pare. <sup>9</sup>Caivu ina p̄eva ámeina đaivu ñájinajarama aru chiorajarama, judíoiva mamagum̄e caivu jipocamia, aru

judíoiva ámevu máre. <sup>10</sup>Ūbenita caivu ina p̄eva mearare, Jūmenijicu đacuyume náre coapa meara baju yópe ũi urópe. Aru coyūcuyume náre, “Mearo đaiyubu m̄ja”. Aru cārijimev̄va me cure đacuyume náre máre, judíoivare mamagum̄e caivu jipocamia, aru judíoiva ámevure máre.

<sup>11</sup>Que baru Jūmenijicu jáimi cūináturu caivu p̄ovare. <sup>12</sup>Judíoiva ámevu, cuvabevu Jūmenijicui đaicōjeiyede ũi coyūiye báquede Moisés bácure, bíjarāram̄a na coapa ne ámeina teiye boje, die đaicōjeiyede majibeuv̄va. Que teni nácapuravu coatede đaimara mārājivubu Jūmenijicure jaruvarí, ne ámeina teiye boje. Ūbenita judíoivare, cuvārivure Jūmenijicui đaicōjeiyede ũi coyūiye báquede Moisés bácure, Jūmenijicu ñájine đacuyume náre coapa ne ámeina teiye boje, ne đabe boje yópe iye đaicōjeiye coyūiyere. Que teni nácapuravu máre coatede đaimara mārājivubu Jūmenijicure jaruvarí, ne ámeina teiye boje. <sup>13</sup>Jūmenijicu abebi “Boropatebev̄u m̄ja ji jáinore”, ina ũi đaicōjeiye báquede coyūiyede jápiaivu bācavureca đabev̄va yópe ũi đaicōjeiye báquepe. Quénora Jūmenijicu ajebu “Boropatebev̄u m̄ja ji jáinore”, caivu inare yópe ũi đaicōjeiye báquepe đájurorivure.

<sup>14</sup>Ina judíoiva ámevu cuvabema Jūmenijicui đaicōjeiye ũi coyūiye báquede Moisés bácure. Ūbenita apen̄um̄a đadama na yópe Jūmenijicui đaicōjeiye báquepe, Jūmenijicui cuedaiye báque boje náre ne mearo dápiayequē. Que đarí jáđovadama na ne coreóviyede ne ũmei mearore Jūmenijicui jáiyede aru āmenore máre, cuvabev̄vacari iye Jūmenijicui đaicōjeiyede ũi coyūiye báquede Moisés bácure. <sup>15</sup>Ne đaiyeque jáđovadama na ne coreóviyede ne ũmei aipe ārojaene Jūmenijicui đaicōjeiyede ũi coyūiye báquede Moisés bácure. Apen̄um̄a “Boropatebev̄u yu” aru apen̄um̄a “Boropateiv̄u yu”, ne arí

dápiayequé jádovadama na ne jáve coreóvayede diede. Aru ne dápiayequé máre jádovadama na diede. Que baru apenũmua arĩ dápiadama ne baju “Mearore dayubu yu”, aru apenũmua “Ámenore dayubu yu”, arĩ dápiadama na.

<sup>16</sup>Que teni iye Jũmenijicui bojedaiye põevare ne ðaiye báque boje vaiquiyebu yópe ji yávaiye méne coyuiyepe Jũmenijicui ñájiovaquijárvu baquinói põevare, ne ámeina teiye boje. Dijárvu baquinói Jũmenijicu Jesucristore ñájine ðaicõjecũyume põevare, ne yaveni ámeina dápiaye boje aru ne yaveni ámeina ðaiye báque boje máre. Nopedeca coyuyubu yu Jũmenijicui yávaiye méne.

**Judíova ne ðaiyurõ yópe  
Jũmenijicui ðaicõjeiyede ñi  
coyuiye báquepe Moisés bácare**

<sup>17</sup>Mujacapuravu adavũ “Judíovabu ñija”. Aru, “Jũmenijicu mearo ðacacuyube ñijare, ñije cuae boje ñi ðaicõjeiyede ñi coyuiye báquede Moisés bácare”, arĩ dápiadavũ muja. Aru coyuyavũ muja apevure, “Ñujarecabu Jũmenijicu jina. Ñi beoimaratamu ñija”. <sup>18</sup>Aru adavũ muja, “Majidivubu Jũmenijicui urõre ñije ðarãjinore”. Aru adavũ muja yópe: “Majidivubu mearore aru ámenore máre põeva ne ðarãjinore. Que baru beoie javvu náre mearo bajure. Diede majidivubu, ñije bueiye boje Jũmenijicui ðaicõjeiyede ñi coyuiye báquede Moisés bácare”, arĩ dápiadavũ muja. <sup>19</sup>Muja bueni buojariduyavũ bueiye jãvene ina majibevure, yópe ñai jáñũ nuvaiyepe jári eabevure. Yópe arĩ, coyuyavũ muja: “Apevure, majibevure, me majide ðaivubu ñija. Náre bueivubu ne coreóvabede, ne jári eabevure mautebenajiyepa aivũ”. Aru muja cadateni buojariduyavũ ina mearore coreóvabevure, ne coreóvarãjiyepa aivũ diede, nópe ñai pẽoinore cuvacu cadateiyepa ñeminoi curivure. Yópe arĩ, coyuyavũ muja: “Apevure coreóvabevure me cadateivubu ñija. Náre cadateivubu ne ñeminoi

curivure mautebenajiyepa aivũ”. <sup>20</sup>Aru muja adavũ yópe: “Ñuja bueivubu ina majiède eabevure, ne mearore majinajiyepa aivũ. Aru bueivubu ina majibevure máre, ne coreóvarãjiyepa aivũ”, adavũ muja. Muja arĩ dápiadavũ muje cuvare boje Jũmenijicui ðaicõjeiyede ñi coyuiye báquede Moisés bácare me majidivũ caiyede aru caiye muje majiède jãvene.

<sup>21</sup>¿Muja bueivũ apevure, aipe teni ðabevurũ muja yópe muje bueiyepe? Muja “Navamejara” aivuvacari apevure, muja máre ñavadavũ muja. <sup>22</sup>Muja “Ðabejarã ámeina mujemarebucuvare jaruvari” aivuvacari apevure, muja máre ðadavũ ámeina mujemarebucuvare jaruvari. Muja ubevuvacari pẽpeimarare, muja máre pueðabenamu Jũmenijicure aru ñi jiede máre. <sup>23</sup>“Ñuja judíova mearamu apevũ pueno, ñije cuvare boje Jũmenijicui ðaicõjeiyede ñi coyuiye báquede Moisés bácare”, adavũ muja. Ñbenita nópe aivuvacari pueðabevũ ámeina yávadavũ muja Jũmenijicure, ju abevũ ñi ðaicõjeiyede. <sup>24</sup>Javede yópe arĩ, Jũmenijicu toivaicõjeneaquemavu ñi yávaiyede: “Ina põeva judíova ámevũ ámeina yávadama Jũmenijicure, muje ámeina ðari jádovaiye boje”, arĩ toivaicõjeneaquemavu.

<sup>25</sup>Muje ju aru Jũmenijicui ðaicõjeiyede ñi coyuiye báquede Moisés bácare, cadateivũ mujare muje ñmva cajede buraiçõjeiye, muje majinajiyepa aivũ muja Jũmenijicu jinare. Ñbenita muje ju abedu iye Jũmenijicui ðaicõjeiye báquede, ye cadatebevu mujare iye cajede buraiçõjeiye. <sup>26</sup>Ina judíova ámevũ buraiçõjemema ne cajede. Ñbenita ne ðare yópe Jũmenijicui ðaicõjeiyede ñi coyuiye báquepe Moisés bácare, majibevũva diede, Jũmenijicu jáve jáimi náre cũináturu ñi jáiyepa muja judíovare, muje cajede buraiçõjeivupedeca. <sup>27</sup>Mujacapuravu cuvavivubu iye Jũmenijicui ðaicõjeiyede ñi coyuiye báquede Moisés bácare, aru buraiçõjeivubu máre muje cajede. Ñbenita ye ðabevũ muja yópe

Jūmenijicui ðaicōjeiyepe. Quénora ju abevu diede. Que baru apevu, judfova āmevu, ne cajede buraicōjemevureca, ne ðaiyede yópe Jūmenijicui ðaicōjeiye ũi coyuiye báquepe Moisés bācure, ne boro coyurī adaimara márajivubu muja, judfova, Jūmenijicui nājine ðarājīyepe aivu mujare, muje ju abe boje die ðaicōjeiyede.

<sup>28</sup>Ina pōeva aivu baru “Yǎbu judfovacacu, mearore jívu Jūmenijicure”, caivu ina judfova baju āmema na. Aru ina ne cajede buraicōjeivū, Jūmenijicu jina tenajīye boje, caivu ina máre judfova baju āmeni, Jūmenijicu jina āmema na. <sup>29</sup>Ūbenita ina pōeva mearore jívu Jūmenijicure judfova bajupe ju adama Jūmenijicure ne ũmei. Ina pōeva Jūmenijicui ðaicōjeiyepe buraicōjeivū ne cajede, caivu ina judfova baju āmema na. Ūbenita ina pōevare Jūmenijicui Espírītu oatuvacayube ne ũmene, ðacuyū náre Jūmenijicu jinava. Nárecabu judfova baju. Que baru nárecabu mearore buojari jívu Jūmenijicure jāve, ũi ðadateiye boje. Ne baju ðaiyeque buojabema jívu mearore Jūmenijicure.

**3** <sup>1-2</sup>Aru apecu ũi aru yure: “Caivu majidivubu ina judfovere Jūmenijicui beoimara mácavure. ¿Mi dǎpiaru, ina judfova meari apevu pñeno aru ne cajede buraicōjeiye ðadatebedi náre?” yópe arī, coyujebu yu: “Jǎju. Yópe ayubicu yu. Pōecu judfovacacu baru, pare meavu ũre. Aru cajede buraicōjeiye pare ðadateivū judfovere, ne nópe jádovaiye boje Jūmenijicu jinare. Mamarumure Jūmenijicu jídejaquemavu judfovere ũi yávaiyede, maje ju arī, aru bueni apevure, meðarī corenajiyepe ayu diede”. Que ajebu yu. <sup>3-4</sup>Ūbenita apecu ũi aru yure: “Apevu judfova ju abema Jūmenijicui yávaiyede. ¿Ne ju abe boje, ðabecuyuba Jūmenijicu nópe ũi aiyé báquepedeca?” yópe arī, coyujebu yu: “iBi, ye que āmevu! iAipinumu vaibéjarōri nópe! Jūmenijicu jāve ðacuyume yópe ũi aiyé báquepedeca. Caivu pōeva ne borocuru,

Jūmenijicucapūravu cainnuma borocubecube ũ”. Javede yópe arī, toivaicōjenejaquemavu Jūmenijicu ũi yávaiyede:

Mi nājine ðaiyede yure ji ju abe boje mure, apevu jáivu aipe ðarī nājine ðayure yure, pueðarī mure arājarama na mi borore: “ðaibi yópe ũi aiyé báquepedeca majare. Borocucu āmemi ũ”, arī toivaicōjenejaquemavu.

<sup>5</sup>¿Aru apecu ũi aru yure: “Maja judfova maje ðabede yópe Jūmenijicui ðaicōjeiye báquepe majare, jádovavubu Jūmenijicucapūravure pñeno meacu bajure ũi jāve ðaiyede yópe ũi aiyé báquepedeca cainnuma, mearo ðayure pōeva ne mearo ðabede”, aipe aji yu? ¿Aji yópe apevu pōeva ne aiyere, “Jūmenijicucapūravu jorojini jári, nājine ðayu baru majare, judfovere, ũi nājiovaquijāravu baquinói pōevare, ne āmeina teiye boje, āmenore ðayu bájebu ũ”? <sup>6</sup>iBi, ye que āmevu! iAipinumu vaibéjarōri nópe! Jáve maru no, Jūmenijicu ye nājine ðarī buojabejebu ijāravucacure cūinácura yópe ũi āmeina teiypedeca. <sup>7</sup>Cūinácu pōecu ũi jinoque mearore pēpeimarare ũi coreóvare ðaru pōevare urarō baju Jūmenijicu meacure caivu pñeno, jāve Jūmenijicu nājine ðacuyume ũre, ũi que ðaiye boje. <sup>8</sup>Que baru maje āmeina ðaiyede maje coreóvare ðaru Jūmenijicure pñeno meacu bajure, apevu pōeva yópe adama: “Ámeina ðarājarevu, Jūmenijicu ũi jádovaiyepe aivu majare meacu bajure caivu pñeno”, adama na. Apevu pōeva boro coyurī adariduyama yure, ji nópe aiyé boje. Que aivu, borocuma yure. Jūmenijicu nājine ðacuyume ina borocurivure yópe náre nājine ðaiye jauépe, ne que aiyé báque boje.

**Caivu pōeva maje boropateino maje āmeina teiye boje**  
(Gá 2.16)

<sup>9</sup>¿Mearama maja judfova apevu pñeno Jūmenijicui jáinore? iQue āmevu! Jáve jári coreóvavubu judfovere aru

judíova ãmevure máre, caivũ cüináturu ãmeina teivure. Caivũ ijãravucavũ maje ãmeina ðaiyue boje cõjeimarape curivũbu. <sup>10</sup>Yópe arí javede Jũmenijicũ toivaicõjeneaquemavũ ãi yávaiyede:

Põecu cubebi meacu Jũmenijicui jáinore. Ye cüinácũ páyũ cubebi. <sup>11</sup>Caivũ põeva coreóvabenama mearore. Aru caivũ põeva Jũmenijicũ jina máre teiyũbenama. <sup>12</sup>Caivũ põeva dajocadama Jũmenijicure, ãrũmetedama úre. Mamatedama caivũ cüináturu. Ye cõmaje ãroje jámeni apevure cadatebenama náre. Ñame ðabenama mearore. Ye cüinácũ páyũ cubebi.

<sup>13</sup>Ne jijecamu yópe põetõcu voitõcupebu. Que baru ne yávaiyeque jorojĩne ðadama Jũmenijicure. Borocurivũ yávaadama apevure, jũjovarãjivũ. Ne yávaiye yópe ãðai jĩmape paiyebu. Que baru ne yávaiyeque ãmetede ðadama apevure.

<sup>14</sup>Ãmeina ðarí yávaadama apevure, ijivũ ne yávaiye. <sup>15</sup>Que baru cãrijijnãma ðoarí jaruvaiyurivũ põevare. <sup>16</sup>Ãri ne nuinoi ñãjine ðadama põevare, aru mamatede ðadama, aru chiõre ðadama náre.

<sup>17</sup>Torojũre ðabeni aru cãrijine ðadama põevare. <sup>18</sup>Ye cüinãjino quíjinoreca puedabenama Jũmenijicure máre, arí toivaicõjeneaquemavũ.

<sup>19</sup>Majidivũbu maja caiye iye Jũmenijicui ðaicõjeiyede ãi coyuiye báquede Moisés bácure toivacaino mácarõre caivũ maja judíovare, maje majinajiyepere ayũ majare máre ãmeina teivure. Caivũ bi arãjarama Jũmenijicui jáinoi ãi ñãjiovaquijãravũ baquinói põevare, ne majié boje ñãjiye jaurõre náre, ne ðabe báque boje yópe Jũmenijicui ðaicõjeiye báquepe. <sup>20</sup>Iye ðaicõjeiyeque ñame boropatebema Jũmenijicui jáinore. Quénora iye ðaicõjeiyeque põeva coreóvaivũbu caivure ãmena matuiyede.

**Jũmenijicũ ãi jáino põevare  
boropatebevure ne ju aiyede  
Jesucristore  
(Gá 2.16, 3.20)**

<sup>21</sup>Ëbenita caride Jũmenijicũ coreóvare ðaibi majare aipe ðarí coyurí buojayure põevare “Boropatebevũ muja ji jáinore”, Jesucristoi ðaiye báque boje. Aru yópe ðacaibi majare ãi ðaicõjeiye báquede ðabecũva. Ëbenita Jũmenijicui ðaicõjeiyede ãi coyuiye báquede Moisés bácure aru ina Jũmenijicui yávaiyede coyũcaipõeva mácavũ ne toivaiye báquede máre javede coyũrejaquemavũ aipe ðacũyure Jũmenijicũ diede. <sup>22</sup>Jũmenijicũ coyũibi põevare “Boropatebevũ muja ji jáinore”, ne ju aiyede Jesucristore. Caivũ põeva cüináturũtamũ. Que baru Jũmenijicũ nópe coyũibi caivure Jesucristore ju aivure.

<sup>23</sup>Maja caivũ põeva ãmene ðaivũbu maja. Que baru nópe ðaivure Jũmenijicũ “Boropatebevũ muja”, abecũbe majare, maje ðabe boje yópe ãi urõpe. <sup>24</sup>Ëbenita Jũmenijicũrecabe pũeno meacu baju. Que baru jýyũbe mearore bojecũbeda. Que teni coyũibi “Boropatebevũ muja ji jáinore” caivũ majare, maje Jesucristore ju aiyede. Nópe bojecũbeno ðarí, Jesús ñãjine ðabede ðaibi majare, maje ãmeina teiye boje yópe põecu ãi yebacacure bojedarí íyepere, ãi dajocaquiyepere ayũ ãi mememo ãmeno baju bácarõre.

<sup>25</sup>Jũmenijicũ jorojĩni jáimi maje ãmeina teiyede. Que baru dajocacũyũ ãi jorojĩyede, darorejaquemavũ Jesucristore, ãi ñãjiquiyepere ayũ põeva ne ãmeina teiye boje. Que baru Jesucristo yaidéjaquemavũ maje yayũroede. Que teni ãi jiveque bojedarejaquemavũ põevare ne ãmeina teiyede. Jesús ãi yayiye báque boje, Jũmenijicũcapũravũ ãrũmeteibi maje ãmeina teiyede caivũ maja Jesucristore ju aivure. Jũmenijicũ yópe vaidé ðarejaquemavũ, jáðovacũyũ aipe ðarí coyurí buojayũ põevare “Boropatebevũ muja ji jáinore”.

Jipocamia Jūmenijicu majidejaquemavu darocuyu Jesucristore, ũi bojedaquiepe ayu pōeva ne āmeina teiyede. Que baru Jūmenijicu napinejaquemavu pōeva ne āmeina đaiyede. Yópe ñájine đabecuyupe vaidējaquemavu ne āmeina teiyede. <sup>26</sup> Ūbenita caride Jūmenijicu quéda vaibébi pōeva ne āmeina teiyede.

Quénora āmeina teiyede bojedaiibi ũ, jáđovacuyu pōevare boropatebevure ũi jáinoi. Que teni Jūmenijicu coreóvare đaiibi ũi đaino pñeno mearo bajure, “Boropatebevũ” ayu caivu Jesucristore ju aivure.

<sup>27</sup> ¿Caride “Boropatebevũ maja”, arĩ majidi maja, mųje dápíaru? Nópe arĩ majibevũ maja. ¿Aipe teni diede nópe arĩ majibedi maja? ¿Jūmenijicui đaicōjeiyepe đarĩ cōmajidu, “Boropatebevũ” abecuyuba Jūmenijicu majare? ¡Que āmevũ! Maja đarĩ buojabevũ yópe caiye Jūmenijicui đaicōjeiyepe cainumua. Ūbenita pōecu ũi ju aru Jesucristore, Jūmenijicuvacari boropatebede đacuyume ĩre ũi jáinoi. <sup>28</sup> Pōecu cubebi Jūmenijicu “Boropatebecubu mu” ũi aimu, Jūmenijicui đaicōjeiyede đaiye boje. Quénora caivu pōeva ju aivure Jesucristore, “Boropatebevũ mųja ji jáinore” aibi Jūmenijicu. Que baru ácu pōecu cubebi “Meacutamũ yũ” ayu.

<sup>29</sup> ¿Dápíavũrũ mųja Jūmenijicu ucure judíova quévũra ũ jinava? Jáve āmevũ no. Jūmenijicu ubi judíovare aru judíova āmevũre máre ũ jinava. <sup>30</sup> Cūinácũrabe Jūmenijicu. Que baru Jūmenijicu coyũibi judíovare “Boropatebevũ mųja ji jáinore”, maje ju aiyede Jesucristore. Aru quédeca coyũibi judíova āmevũre máre “Boropatebevũ mųja ji jáinore”, ne ju aiyede Jesucristore. Que teni Jūmenijicurecabe coyuyũ caivu majare “Boropatebevũ mųja”, maje ju aiyede ĩre.

<sup>31</sup> Dinũmũ, ¿coyũivũba maja pōevare ne dajocarãjiiyepe aivu Jūmenijicui đaicōjeiyede ũi coyũie báquede Moisés bácure, Jūmenijicui coyũie boje maja boropatebevũre maje ju

aiyede Jesucristore? ¡Bĩ, ye que āmevũ! ¡Aipinũmũ vaibéjarõri nópe! Quénora caride maje ju aiyede boje Jesucristore pñeno baju đaiyũrivũbu maja yópe Jūmenijicui đaicōjeiye báquepe.

**Abraham mácuĩ đarĩ jáđovaino mácarõ**  
(Gá 3.6)

**4** <sup>1</sup> Caride mųjare coyũquijivũ yũ aipe Jūmenijicui đaiye báquede javede maja judíova majeñecu mácure, ũi āmiá Abraham. <sup>2</sup> Jūmenijicu ũi coyũru Abraham mácure, “Boropatebecubu mu ji jáinore”, ũ mácuĩ mearo đaiye báque boje, Abraham mácũcapũravũ coyuyũ buojajebu, “Yũvacari mearo đaiivu ji bajuma”. Ūbenita ñame nópe arĩ buojabema Jūmenijicui jáinore. <sup>3</sup> Aru yópe arĩ, Jūmenijicu toivaicōjenejaquemavu ũi yávaiyede: “Abraham ju arejaquemavu Jūmenijicure. Que baru Jūmenijicu coyũrejaquemavu ĩre, ‘Boropatebecubu mu ji jáinore’, ũi ju aiyede báque boje Jūmenijicure”, arĩ toivaicōjenejaquemavu.

<sup>4</sup> Ñai jabocu ũi bojedaiyede ĩre memecaipōecure ũi memecaiye boje, pōecu cubebi “Bojecubeda jínomu no” ayu. Quénora caivu majidivũbu bojedaiye jaũrõre ñai memecaipōecure. <sup>5</sup> Ūbenita ina pōeva eaiyũbevũre boropatebenore Jūmenijicui jáinore ne mearo đaiyeque, “ ‘Boropatebevũ mųja’, arĩ coyũcuyũme Jūmenijicu ñujare, ñuje đaiye boje”, arĩ dápíabenama na. Quénora “Ñmųja ju aivũbu Jūmenijicure, ñai coyũyure pōeva boropatebevũre ne ju aiyede ĩre”, arĩ dápíadama. Pōeva nópe dápíavũ, ye ne đabedeca mearore, Jūmenijicũcapũravũ, pōevare ucũ, coyũibi “Boropatebevũ mųja ji jáinore”, ne ju aiyede ĩre.

<sup>6</sup> Nopedeca David báciu arĩ toivarejaquemavu ñai pōecure Jūmenijicui torojure đainore đabecureca mearore Jūmenijicu “Boropatebecubu mu ji jáinore”, ũi ainore. Yópe arĩ, Jūmenijicu David báciu toivaicōjenejaquemavu ũi yávaiyede:



<sup>7</sup> Ina jãve torojurivure, náreca Jūmenijicu ārūmeteibi caiye ne ju abe báquede ũi ðaicōjeiyepe, aru jāmemi ne āmeina teiyede máre. <sup>8</sup> Aru ñai jãve torojucure, úreca Jūmenijicu ũi āmeina teiyede coyurí ñájine ðabecube, arí toivarejaquemavu David bácu.

Que arí, “Jūmenijicu ñájine ðabecuyume náre ne āmeina teiye boje”, aiyurōmu.

<sup>9</sup> ¿Aru judío va cūinávava torojurivure buojaidi yópe iye David bácu coyuiye báquepe? ¡Que āmeiva! Judío ámeva máre nopedeca jãve torojurí buojadama na. Dápijarã cojedeca Abraham mácure. Jave coyuvu yu mujare iye Jūmenijicui toivaicōjeiye báquede ũi yávaiyede: “Abraham ju arejaquemavu Jūmenijicure. Que baru Jūmenijicu coyurejaquemavu úre, ‘Boropatebecubu mu ji jáinore’ ”. <sup>10</sup> ¿Aipiye de nópe yávarejaquemari Jūmenijicu Abraham mácure? ¿Jave buraicōjeneaquemari Abraham mácu ũi cajede dinumure? Bi, ũ mácu buraicōjemenejaquemavu ũi cajede cãreja. Jūmenijicu nópe yávarejaquemavu ũ mácure ũi cajede buraicōjequiye jipocamia. <sup>11</sup> Que baru Jūmenijicu nópe yávaríburu yóboi, Abraham mácu buraicōjeneaquemavu ũi baju dicajede. Aru ũi yópe buraicōjeiye báque jáðovaiye barejaquémavu úre, ũi majiquiyepe ayu ũ mácu Jūmenijicui coyumu mácu boropatebecure ũi jáinoi, Abraham mácu ju aiyе boje Jūmenijicure.

Que teni caivn ne cajede buraicōjemevava ju aivure Jūmenijicure, ũi coyūquiyepe aivn náre boropatebevure ũi jáinoi, Jūmenijicu Abraham mácure tede ðarejaquemavu néñecupe páyu. <sup>12</sup> Aru ũ mácu máre majeñecu mácu barejaquémavu maja cajede buraicōjeivn bácvn ju aivure Jūmenijicure. Ūbenita majeñecu mácu āmenejaquemavu, maje cajede buraicōjeiye báque boje. Quénora majeñecu mácu barejaquémavu maje ju aiyе boje Jūmenijicure, nopedeca majeñecu mácu Abraham mácu ũi

cuepedeca ju ayu Jūmenijicure ũi cajede buraicōjequiye jipocamia.

**Boropatebeno Jūmenijicu “Yópe ðacacuyumu máre”, ũi aino mácarō Abraham mácure**  
(Gá 3,7, 18, 29)

<sup>13</sup> Javede Jūmenijicu arejaquemavu Abraham mácure yópe: “Mure aru mipāramena márājivure mearo ðacacuyumu yu. Mipāramena márājivure jícuyumu yu ijāravure, ne cūvarājiyepe ayu caivn ijāravucavure”, arejaquemavu Jūmenijicu Abraham mácure. Ūbenita Jūmenijicu yópe abedejaquemavu Abraham mácu ðaiye báque boje, yópe ũi ðaicōjeiyede ũi coyuiye báquepe Moisés bácu. Quénora Jūmenijicu yópe arejaquemavu Abraham mácu ju aiyе báquede úre, coyucuy ũ mácure “Boropatebecubu mu ji jáinore”. Que teni Jūmenijicu mearo ðacacuyu barejaquémavu ũ mácure aru caivn apevure máre úre ju aivure. <sup>14</sup> Ūbenita Jūmenijicui júdu ijāravure ina ũi ðaicōjeiyede ũi coyuiye báquede Moisés bácu cūvarivure, ne cūvarājiyepe ayu diede, ye baju āmejebu pōeva ne ju aiyе Jūmenijicure aru ye baju āmejebu Jūmenijicu “Yópe mearo ðacacuyumu”, ũi aiyе báque máre. <sup>15</sup> Jūmenijicui ðaicōjeiye ũi coyuiye báqueque Moisés bácu coyubedejaquemavu “Yópe mearo ðacacuyumu”, ũi aiyе báquede. Jūmenijicui ðaicōjeiye ũi coyuiye báqueque Moisés bácu jorojñi jári, ñájine ðayube pōeva, ne vainí turí ðaiye boje diede. Ūbenita Jūmenijicui ðaicōjeiye ũi coyuiye báque Moisés bácu cubedu, iyede vainí turí ðaiye máre cubejebu.

<sup>16</sup> Abraham mácu ju aiyе báquede Jūmenijicure, Jūmenijicu arejaquemavu ũ mácure, “Boropatebecubu mu ji jáinore”. Que teni jáðovarejaquemavu “Yópe mearo ðacacuyumu”, ũi aiyе báquede, mearo ðacaiye bojecubede jãve, caivn Abraham mácu pāramena márājivure. Jūmenijicu nópe

ðarejaquemavɯ ñi meacɯ baju boje. Aru Jūmenijicu jāve ðacɯyume yópe ñi aiyе báquepedeca. Abraham mácuí pāramena mārājivɯbu Jūmenijicui ðaicōjeiyede ñi coyuiye báquede Moisés bácuře ðabevɯ. Quénora Abraham mácuí pāramena mārājivɯbu ju aivɯ Jūmenijicure, yópe Abraham mácuí ju aiyе báquepedeca úre. Que baru pōeva Jūmenijicui ðaicōjeiyede cɯvarivure aru pōeva diede cɯvabevɯre máre, caivɯ maja Jūmenijicure ju aivure, majeñecu mácuře páyɯ barejaquémavɯ Abraham mácu. <sup>17</sup>Yópe arí, Jūmenijicu toivaicōjenejaquemavɯ apesure ñi yávaiyede: “Yɯ obediyajuboacavɯ néñecu macɯyúre ðacɯyumu yɯ mure”, arejaquemavɯ Jūmenijicu Abraham mácuře. Que baru Jūmenijicui nópe aiyе boje, ñai Abraham mácuí ju aimɯ “Yópe ðacacɯyumu”, ñi aino mácarō bojecurótamu. Jūmenijicu nacovaimi yaivɯ bácvure yainore jarɯvarí, ne arɯrājiiyеpe ayɯ cojedeca. Aru Jūmenijicu cuedaibi ñi ðaicōjeiyеque no jipocai cube báquede.

<sup>18</sup>Nópe pōeva ne dápiaiyеpe, Jūmenijicui aiyе báque Abraham mácuře ye buojabequiye barejaquémavɯ. Ubenita Abraham mácucapūravɯ ju arí Jūmenijicure napini coredejaquemavɯ. Que teni obediyajuboacavɯ néñecu mácuře páyɯ buojarejaquemavɯ ñi mácu. Jūmenijicu, yópe arí, toivaicōjenejaquemavɯ apesure ñi yávaiyede: “Obedivɯ tenajarama na mipāramena mārājivɯ”, arejaquemavɯ Jūmenijicu Abraham mácuře.

<sup>19</sup>Dinɯmɯ Abraham mácu pare bucɯcɯ barejaquémavɯ. Quijino bajura jaurejavūya cien paiɯjua ñi cɯvaquino. Aru ñi juedocɯvajurorōre juedocɯvarí buojabecu ñi baju yaivyá bácuí bajupe cɯvarejaquemavɯ Abraham mácu. Aru jímarepaco báco, Sara báco, máre bucɯco barejaquémavɯ. Que baru juedoearí buojabedejaquemavɯ ó máco. Ubenita Jūmenijicure ñi ju aiyе parɯbetebedejaquemavɯ. Quéda cainɯmɯ ju arejaquemavɯ Jūmenijicure.

<sup>20</sup>Abraham mácuí dajocabedejaquemavɯ cainɯmɯ ñi ju aiyede Jūmenijicure. Ye “Uñi aiyе báquepe yure Jūmenijicu ðarí buojabecube”, arí dápiabedejaquemavɯ ñi mácu. Quénora ñi ju aiyе boje Jūmenijicure, parɯcɯ ðarejaquemavɯ ñi mácuře, ñi juedocɯvaquiyepe ayɯ. Aru parɯcɯ teni ñi úmei cainɯmɯ, “Parɯcɯ bajubu mɯ”, ávarejaquemavɯ ñi mácu Jūmenijicure. <sup>21</sup>Que baru ñi baju arí dápiarejaquemavɯ parɯrōreca, “Jūmenijicu jāve buojaibi yure ðacayɯ yópe ñi aiyе báquepedeca”, ávarejaquemavɯ Abraham mácu. <sup>22</sup>Que baru, “Boropatebecubu mɯ ji jáinore”, arí coyurejaquemavɯ Jūmenijicu Abraham mácuře, ñi ju aiyede úre.

<sup>23</sup>Ubenita Jūmenijicu toivaicōjemenejaquemavɯ “Boropatebecubu mɯ ji jáinore”, ñi aiyе báquede Abraham mácuře boje quécɯra. <sup>24</sup>Quénora Jūmenijicu toivaicōjenejaquemavɯ diede majare boje máre. Majare máre Jūmenijicu coyɯcɯyume “Boropatebevɯ mɯja ji jáinore”, maje ju aiyede úre, Jesucristore, maje jabocure, nacovaimɯ mácuře yainore jarɯvarí. <sup>25</sup>Jūmenijicu yaidé ðarejaquemavɯ Jesucristore majare boje, maje ámeina teiye boje. Aru Jūmenijicu coyurejaquemavɯ majare “Boropatebevɯ mɯja ji jáinore”, ñi nacovaiye báque boje Jesúre yainore jarɯvarí. Caiye diede ju aivɯbu maja.

#### Pōeva ne boropatebena Jūmenijicui jáinore

**5** <sup>1</sup>Jūmenijicu coyuiibi majare “Boropatebevɯ mɯja ji jáinore”, maje ju aiyede úre. Aru cārijimevɯva cure ðaibi majare maje jabocɯ Jesucristo Jūmenijicuque. <sup>2</sup>Maje ju aiyе boje Jesucristore, ñi cɯvare ðaibi majare Jūmenijicui mearo ðacaiye bojecubede. Aru maja cɯrivɯbu caride Jūmenijicui mearo ðacaiye bojecubeque. Que baru torojurivɯbu maja maje úmei, maje coreóvaiye boje cūnájáravɯ baquinói Jūmenijicu acɯyure majare “Mujarecabu yópe ji urópe”. Aru ñájjine

ɖabecube majare cojedeca. <sup>3</sup>Aru maja máre torojrivubu maje ũmei maje ñájiyede, maje coreóvaiye boje pñeno urarõ napinajivure maje ñájiye boje.

<sup>4</sup>Aru torojrivubu maje ũmei maje napiye boje, maje coreóvaiye boje Jūmenijicu cadateyure majare maje ñájiyede cainumua. Que baru napini coreivubu Jūmenijicure jidubevvua.

<sup>5</sup>Maje napini coreiyede Jūmenijicui mearo ɖacaquiyede majare, cuyeбенamu maja. Caride coyquijivũ majare aipe ɖarĩ majidivure cuyeбенajivure. Jūmenijicu daroibi ñai Espiritu Santore ũi cūquiyere ayũ maje ũmei, ũi majide ɖaquiyere ayũ majare Jūmenijicui umarare.

<sup>6</sup>Maja ameno ɖaivũ, maje baju mearo ɖaiye majibedeca, Cristocapūravũ yaidéjaquemavũ majare, maje ubedeca Jūmenijicure. Jūmenijicui beoijáravũ bácarõ yaidéjaquemavũ ũ mácu. <sup>7</sup>Ácu pōescu yayiubebi apescu pōescure boje, mearo ɖayure. Ácu pōescu cvejubi, jidubecvua yayiucũ apescu pōescu meacure boje, apevure cadateyure.

<sup>8</sup>Ūbenita Jūmenijicu jáđovaimi majare aipe ũi urarõ uede majare, daroyũ bácu Cristore, ũi yayiquiyere ayũ majare boje, maje amaina teiyedeca cāreja. <sup>9</sup>Maja majivũ Cristoi mearo ɖacaiye báquede majare, yayiú majare boje. Ūi jive meiyе báque boje, Jūmenijicu coyubi majare “Boropatebevũ muja ji jáinore”. Ūi nōpe urarõ mearo ɖacaiye báque boje majare, maje amaina teiyedeca cāreja, jáve majidivubu maja. Que baru pñeno urarõ Cristoi mearo ɖacaquiyede majare, maje ñájimenajiyere ayũ añijáravũ Jūmenijicui ñájiovaquijáravũ baquinóre pōevare, ne amaina teiye boje.

<sup>10</sup>Majacapūravũ maucuvarejaquemavũ Jūmenijicure. Ūbenita Jūmenijicucapūravũ cārijimene ɖarejaquemavũ majare, daroyũ bácu mamacure ũi yayiquiyere ayũ majare boje. Que teni caride Jūmenijicui yóvaimaramu maja. Cristoi urarõ mearo ɖacaiye báque boje majare ũi yayiede, jáve pñeno urarõ mearo

ɖacacuyume majare caride, apescu cojedeca. Maje cuede cūinávure maje jabocu Jesucristoque, meadacuyume majare Jūmenijicui jorojīyede jaruvarĩ.

<sup>11</sup>Aru pñeno baju Jūmenijicu coyure ɖaibi majare maje ñájiyede, “Jāve torojrivubu maja Jūmenijicui jáinore”, maje jabocu Jesucristoi cārijimene ɖaiye báque boje majare Jūmenijicue. Que baru cuyeбенajaramu maja maje napini coreiyede Jūmenijicure.

**Pablo ũi coyũino Adán mácu  
aru Cristo ne borore**

<sup>12</sup>Javede ñai ũmũ mácu mamarumucacu bácu, ũi amía Adán, amaina tedejaquemavũ. Aru coatedejaquemavũ ũ mácu Jūmenijicure jaruvarĩ, amaina teni. Que baru caivũ pōeva máre Adán mácu yóbocavũ coatedama Jūmenijicure jaruvarĩ aru yayiáma máre Adán mácu amaina teiye báque boje. <sup>13</sup>Que teni Jūmenijicui coyquiyе jipocai ũi ɖaicōjeiyede Moisés bácu, caivũ ijáravucavũ amaina teivũ barejaquemavũ. Dinumure cāreja ũi ɖaicōjeiye cubede, Jūmenijicu corevabedejaquemavũ pōevare ne amaina teiyede. <sup>14</sup>Ūbenita caivũ ijáravucavũ, Adán mácu yóbocavũ coatedama Jūmenijicure jaruvarĩ, Adán mácu amaina teiye báque boje. Adán mácu ɖarejaquemavũ Jūmenijicui ɖaicōjemenore. Que baru coatedejaquemavũ Jūmenijicure jaruvarĩ. Aru caivũ ũi yóbocavũ, Jūmenijicui ɖaicōjeiyede cuvabede ju abevũ amevuvacari, coatedejaquemavũ Jūmenijicure jaruvarĩ. Aru Adán mácu ɖaiye báque páyureca barejaquemavũ ñai Jesucristo. Pōeva jacopuyama ne ɖaiye báque bojede. Caivũ pōevare Jūmenijicu jáimi amaina teivure, Adán mácu ju abeno mácarõ boje. Nopedeca Jūmenijicu jáimi pōevare boropatebevure, Cristoi ju aino mácarõ boje.

<sup>15</sup>Ūbenita ina pucarã ũmũva cūinátũũ amema. Pōescu mamarumucacu, Adán mácu, ju

abecu bácareca Jūmenijicure, Jūmenijicucapūravu urarō mearo đacaibi pōevare. Jāve caivu pōeva coatedama Jūmenijicure jaruvarī, Adán mácu ju abeno mácarō boje. Ūbenita Jūmenijicu pūeno meacu bajutame. Que baru pūeno urarō mearo đacaibi obedivu pōevare ūi mearo đacaino mácarō bojecubenoque daroyu bácu Jesucristore, ūi meadaquiyepa ayu náre. Adán mácu đaino mácarō āmedaivu pōevare. Ūbenita Cristoi đaino mácarō meadaivu pōevare. Aru Cristoi đaino mácarō mearo bajubu Adán mácu đaino mácarō pūeno.

<sup>16</sup>Que baru Jūmenijicu mearo đacaibi pōevare bojecubeda, Adán mácu ju abecu bácareca ūre. Adán mácu cūinára ūi ju abe boje, Jūmenijicu arejaquemavu ūi mácare, “Mu aru mipāramena mārājivu máre nājinajaramu, mi ju abe boje yure”. Ūbenita obedivu pōeva ju abevureca cainumma baju, Jūmenijicu aibi majare, “Nājimenajaramu muja, muje ju abe boje yure”, ūi pūeno meacu baju mearo đacaiye boje.

<sup>17</sup>Jāve cūinácu ūmu, Adán mácu, ūi ju abeno mácarō boje, caivu apevu pōeva máre coatedama Jūmenijicure jaruvarī. Ūbenita jāve baju cūinácu ūmu, Jesucristo, ūi đaino mácarō boje, obedivu pōeva meatedama Jūmenijicucque. Que baru caivu maja jacopūivu bácvu Jūmenijicui mearo đacaino bojecubenore, maja ūi coyūimara mácvubu, “Boropatebevū muja ji jáinore”. Jāravu cūiméjāravu baquinóre cūvarājaramu maja Jūmenijicucque, cūinácu ūmu, Jesucristo, ūi đaino mácarō boje.

<sup>18</sup>Que baru nópe cūinácu ūmu mácu cūinára ūi ju abeno mácarō boje, Jūmenijicure jāre đarejaquemavu caivu pōevare boropateivūpe. Nopedeca cūinácu ūmu, Jesucristo, cūinára ūi mearo đaino mácarō boje, Jūmenijicu jáimi pōevare caiyajuboacavure boropatebevūpe, aru me apure đaibi náre coapa. <sup>19</sup>Aru cūinácu ūmu mácu ūi vainí turí ju abe boje, caivu āmene

đaivu barejaquemavu. Nopedeca cūinácu ūmu, Jesucristo, ūi đaiye boje yópe Jūmenijicui urōpe, boropatebevūpe tede đaibi obedivu pōevare Jūmenijicui jáinore.

<sup>20</sup>Ūbenita obediūjua Adán mácu yóbore aru obediūjua Cristoi daquiyepa jipocai, Jūmenijicu coyūrejaquemavu ūi đaicōjeiyede Moisés bácare, coreóvare đacūyu pōevare urarō āmeno ne đaiyede. Que teni pūeno urarō ju abede nūrejaquemavu na mácvu. Ūbenita pōevacapūravu ne urarō āmeno đaiyede, Jūmenijicucapūravu, cōmaje āroje jáñu, pūeno urarō mearo baju đacarejaquemavu na mácvure. <sup>21</sup>Que baru pōeva ne āmene đaiyūe parūétamu, ne coateiye boje Jūmenijicure jaruvarī. Nopedeca Jūmenijicui mearo đacaiye obedivu pōevare pūeno baju parūétamu aru cūvare đaivu jāravu cūiméjāravu baquinóre ūque, ūi jáiye boje obedivu pōevare boropatebevūpe. Aru Jūmenijicu yópe mearo đacaibi pōevare, maje jabocu Jesucristoi đacaiye báque boje.

**Pōeva ne cue Cristoque cūinácvupe**  
(Gá 2.20; Col 2.12)

**6** <sup>1</sup>¿Maje ju aiyepa boje diede, aipe đarājidi maja caride? ¿Pūeno āmenore đare nuīye jauří, Jūmenijicui jáđovaquiyepa aivu ūi pūeno urarō mearore? <sup>2</sup>¡Bi, ye que āmevu! ¡Aipinumu vaibéjarōri nópe! Majarecabu boarí jaruvaimara mácvupe paivu. Aru āmeno majare boarí jaruvayu bácvupe painotamu. Que baru āmeina teiye jaubevu majare. Aru “Đare nuīvu baru āmenore me cūrājaramu maja Jūmenijicucque”, arí buojabevu maja. <sup>3</sup>Jāve majidivubu muja aipe teni jáđovaimara mácvu Jūmenijicure ocoque. Maje jáđovaiye báque Jūmenijicure ocoque apēvure coreóvare đarejaquemavu maja cūrivure Jesucristoque cūinácvupe. Iye maje nājijuroede maje āmeina teiye boje, Jūmenijicu nājine đarejaquemavu ūre majare boje. Ūre yaidé đayū,

Jūmenijicū dajocarejaquemavū  
 ĩre cūinávva. <sup>4</sup>Maje jáđovaiyede  
 Jūmenijicūre ocoque, yaiuvū bávavupe  
 barejaquémavū maja, yópe jaruvaimara  
 mácvupe Jesucristoque pōe jaruvainoi,  
 mamabaju cūvarājivū ĩque. Yópe  
 vaidéjaquemavū Jesucristore. Majepacu  
 Jūmenijicū ĩi parué pueno mearoque  
 nacovarejaquemavū ĩ mácvure  
 yainore jaruvarī, arucūyure cojedeca,  
 maje ména curājīyepē ayū caride  
 Jesucristoque cūinávupe.

<sup>5</sup>Que baru maje yaiuvū bávavupe paiye  
 boje ĩque cūinávupe ĩi yayiede, jáve  
 nacovaimaramu maja yainore jaruvarī  
 ĩque cūinávupe ĩi arué mamaene. <sup>6</sup>Aru  
 majidivūbu maja maje cūe báquede  
 javede, Jesúre ju arājīye jipocare.  
 Cristo ĩi yayiede jocusujaravena  
 bíjarorejaquemavū maje āmeina  
 đaiyue parué báquede. Jūmenijicū  
 nópe đacarejaquemavū majare, maje  
 đabenajīyepē ayū maje āmeina đaiyuede  
 yópe yebacavū ne jabocūi cōjeiyede  
 đaiyepē. <sup>7</sup>Ūbenita jabocū cubebi  
 cōjeñū yayíyú bávure. Nopedeca maje  
 yayīe báque boje Cristoque, coatede  
 đarejaquemavū majare, maje āmeina  
 đaiyuede jaruvarī. <sup>8</sup>Maje majíe boje  
 maja yaiuvū bávavupe Cristoque ĩi  
 yayiede, coavaimara mārājivūbu  
 maje āmeina đaiyuede jaruvarī.  
 Nopedeca majidivūbu maja curājīvure  
 me Jesucristoque, maje ju aiye boje  
 Jūmenijicūre caride aru cainūmūa.  
<sup>9</sup>Maja majidivūbu Cristo nacajañū  
 mácvure yainore jaruvarī. Yaibécube ĩ  
 cojedeca. Caride yaino buojabevū ĩre  
 yaiváino.

<sup>10</sup>Que baru Cristo yaidéjaquemavū  
 cūinára, yaibécūyū cainūmūa, parūbede  
 đacūyū maje āmeina đaiyuede. Aru  
 Jūmenijicūi parúeque cubi, đaiyūcū  
 yópe Jūmenijicūi urōpe. <sup>11</sup>Quédeca  
 đápijarā mūja mūje baju yópe: “Āmeina  
 teiye parūbebu, Jesucristoi đaiye  
 báque boje. Que baru đaicōjemevū  
 yure caride. Yū yayíyú bávure páyūbu  
 āmeina teiyeque. Ūbenita yū arucūbu  
 Jūmenijicūque, ĩi parué boje. Yū cūvū

đayū yópe Jūmenijicūi urōpe, cūcū  
 cūinávupe Jesucristoque”, arī đápijarā  
 mūja.

<sup>12</sup>Āmeina đaiyuede đaicōjemejara  
 mūje bajure. Đaicōjeivū baru mūje  
 āmeina đaiyuede mūje bajure,  
 coatenajaramu mūja Jūmenijicūre  
 jaruvarī. <sup>13</sup>Que baru đaicōjemejara  
 mūje āmeina đaiyuede mūje bajure aru  
 mūje ūmene máre. Quénora đaicōjejara  
 Jūmenijicūre mūje bajure aru mūje  
 ūmene. Nacajaiuvū bávavupe paivūbu  
 yainore jaruvarī, arurājīvū cojedeca.  
 Que baru Jūmenijicū matuiyeda  
 cōjejacurī mūje đápiayede aru mūje  
 đaiyuede máre, mearore đare đaquīyepē  
 aivū. <sup>14</sup>Mūje āmeina đaiyuede đaicōjeiye  
 jaubevū mūjare. Jaubevū mūjare  
 máre mūje đaiye yópe Jūmenijicūi  
 đaicōjeiyede ĩi coyūiye báquepe Moisés  
 bávure. Ūbenita mūja me curivūbu carī,  
 Jūmenijicūi cure đaiye boje mūjare  
 cūinávupe Jesucristoque, ĩi urōpe đarī.  
 Nópe đaiibi Jūmenijicū ĩi mearo đacaiye  
 boje bojecubeda.

**Pablo ĩi jēvari coyūino yebacateinora  
 maja mearore đaicōjeimarare**

<sup>15</sup>¿Aipe arājīdi maja? ¿Āmenore  
 đarājīdi, majare đaiye jaube boje  
 yópe Jūmenijicūi đaicōjeiyepe ĩi  
 coyūiye báquede Moisés bávure? ¿O  
 quéda Jūmenijicū pueno meacu baju  
 ārūmeteidi maje āmeina teiyede? ¡Bi,  
 ye que āmevū! ¡Aipinūmū vaibéjarōri  
 nópe! <sup>16</sup>Jāve majidivūbu mūja iyede.  
 Yebacateivū baru apēcure, mūjare  
 ju aiye javūvū ĩre. Quédeca mūja ju  
 aiyūrivū baru mūje āmeina đaiyuede,  
 maumena đaiye jauquīyebu mūjare  
 diede. Aru coatenajaramu mūja  
 Jūmenijicūre jaruvarī. Ūbenita mūja  
 ju aiyūrivū baru Jūmenijicūre, pueno  
 baju ju arājaramu ĩre. Que tenī me  
 curājaramu mūja, đaiivū ĩi urōpe.  
<sup>17</sup>Jipocamia mūja ju arejaquemavū  
 mūje āmeina đaiyuede yópe yebacavū  
 ne ju aiyepe ne jabocūre. Ūbenita  
 apejārvure mūja ju arejaquemavū mūje  
 ūmei iye yávaiyede jávene, Jūmenijicūi

jápiarī eare daiyede mujare apevu ne bueiyeede. Que baru mearore jínajarevu Jūmenijicure. <sup>18</sup>Érecabe daicōjene đabecu mujare muje āmeina daiyueque. Quénora mujamu ũi yebacavupe paivu, đarājivu mearore.

<sup>19</sup>Ū coyuuvubu mujare yópe muje majiépe, muje jápiarājiyepe ayu ji bueiyeede. Jipocare muja yebacavupe barejaquémavu, đarājivu āmenore. Āmeina đaivu barejaquémavu muja. Aru ju abeni Jūmenijicui daicōjeiyede, đaivu āmenejaquemavu muja ũi urópe. Nopedeca caride yebacavupe tejarā muja, đarājivu mearore. Mujare Jūmenijicui coavaiye boje āmeina daiyede jaruvārī, cainumua đare nujara pñeno mearore.

<sup>20</sup>Jipocamia muje āmeina daiyueque yebacavupe paivu barejaquémavu muja. Aru mearore đaivu āmenejaquemavu dinumure. <sup>21</sup>Ye mearore eabedejaquemavu muja iye muje āmeina daiye báqueque. “Torojurājivutamu ñuja”, arī dápíarīđurejaquemavu. Ūbenita torojubedejaquemavu muja. Que baru caride cuyevu muja, muje āmeina daiye báque boje, coatede daiye pōevare Jūmenijicure jaruvārī. <sup>22</sup>Ūbenita Jūmenijicu daicōjemene đabi mujare muje āmeina daiyueque. Quénora epeibi mujare yópe ũi yebacavupe. Que teni cainumua memecaiyurivubu muja Jūmenijicure. Aru Jūmenijicui coatede daiye boje mujare muje āmeina daiyuede jaruvārī, pñeno mearo đare nuivubu muja, cvarājivu jāravu cūiméjārvavu baquinóre ũque. <sup>23</sup>Pōeva ne āmeina daiye bojebu ne coateino Jūmenijicure jaruvārī. Ūbenita ina curivu Jesucristoque cūinávupe, cūvama ne bojeva, Jūmenijicui mearo đacaiye boje bojecubeda, ne cuede ũque caride aru cainumua.

**Pablo ũi jévari coyuino  
pũrubuoinora Jūmenijicui  
coyuiye báquede Moisés bácure**

**7** <sup>1</sup>Muja, jivu, coreóvaivubu jāve iye ji coyuiyede mujare caride. Coyuuijivu Jūmenijicui daicōjeiyede

ũi coyuiye báquede Moisés bácure. Pōeva daicōjeimaramu dieque ne cuede cāreja ijārvavi pu ne yayieta. <sup>2</sup>Que baru Jūmenijicui daicōjeiyede ũi coyuiye báque Moisés bácure yópe cūináco nomió pũrubuodope paiyebu, cūcođo jímarepacuque ũi yaibéde cāreja ũqueda. Ūbenita ũi yaidú, iye daicōjeiyede aipe đabejebu ō dinumu. <sup>3</sup>Que baru ico apescuque cūco baru jímarepacure jaruvārī ũi cuede cāreja, āmeina đajebu ō aru “āmeço” ajebu óre. Ūbenita jímarepacu báciu yainíburu yóbore, cōjeimo āmejebu ō dinumu. Que baru pũrubuodó baru apescuque, āmeina đabejebu ō.

<sup>4</sup>Muja, jivu, judíova, Jesúre ju aivu, quédeca vaivu mujare. Yópe ũmu ũi cūvaape jímarepacore, Jūmenijicui daicōjeiye ũi coyuiye báque Moisés bácure cūvarejaquemavu mujare. Que baru iye daicōjeiyeque daicōjeimara marejaquémavu muja. Ūbenita Jesucristoi yayiede, caivu ina ũre ju arājivu máre yaidéjaquemavu ũque Jūmenijicui jānore. Que teni muja máre yaivu bācavupe barejaquémavu ũque. Que baru iye daicōjeiyeque daicōjeimara āmevu muja caride. Yópe nomió, jímarepacu báciu yainíburu yóbore, ōi pũrubuoiyepe apescuque, nopedeca muja máre muje coateniburu yóbo yainore jaruvārī, yópe nacovaimarape paivu curivubu Jesucristoque cūinávupe. Maje cuede Jesucristoque cūinávupe, yopedecabu majare: Ū majemarepacupe páyu pñeno mearore đarí nure đabi majare, maje curājiyepe ayu pñeno mearo ũque. <sup>5</sup>Ūbenita maje curājiye jipocai Jesucristoque, maje āmeina daiyue báque boje, coatedejaquemavu muja Jūmenijicure jaruvārī.

Yopedeca barejaquémavu majare: Pñeno āmenore đare nũrejaquemavu maja, pñeno baju coatenajivu Jūmenijicure jaruvārī. Jūmenijicu daicōjeme máque apejēne majare Moisés bácure ũi coyuijicōjeiye báqueque, yópe pñeno urarō āmenore đare đarejaquemavu maje āmeina

ðaiyuede. Que teni maja maje bajure ðaicõjeneaquemavu aru maje dápiaiye de máre, pueno baju ámeina tenajivu. <sup>6</sup> Ñbenita caride ðaicõjememaramu maja Jñmenijicui ðaicõjeiye ñi coyuiye báqueque Moisés bácure. Jipocamia yebacavure barejaquemavu maja. Diede ju aiyे jaurejaquemavu majare. Ñbenita Jñmenijicure memecabevubu maja javecarõque, yõpe ñi ðaicõjeiye ñi coyuiye báquepe Moisés bácure. Quénora Jñmenijicure memecabevubu maja mamaroque caride, yõpe ñai Espiritu Santoi cure ðaiyepe majare arué mamaeque. Que baru ðaiyubu yõpe iye ðaicõjeiyepe majare jané cube boje, quénora maje ðaiyue boje.

**Pablo “Ámeina tede ðaiye cue ji baju” arí, ñi coyuiño**  
(Ro 13.9; Gá 5.17)

<sup>7</sup> ¿Aipe coyuiye jauri majare caride? ¿Meameni Jñmenijicui ðaicõjeiye ñi coyuiye báque Moisés bácure? Meame ámevu. Nópe dápiaiye jaubevu. Ñbenita ji ðaicõjeiyede coreóvaquiyе jipocare, coreóvabedejacacu yu ji ámeina ðaiyue cuede. Cñináro iye ðaicõjeiycarõ, “Áujimejacu apesu ñi cuvaede”, aino cubedu, áujimejebu yu apesu ne cuvaede. <sup>8</sup> ðaicõjeiye cubedu, maja ámeina ðaiyubejebu. Ñbenita Jñmenijicui ðaicõjeiye ñi coyuiye báque Moisés bácure coreóvare ðarejaquemavu yure áujiye jaubede põeva. Ñbenita no yóboi, ji coreóvaiye boje diede, urarõreca dápíarí búrejacacu áujiyede. Ji ámeina ðaiyue boje, jujovaimumu yu. Que baru áujivu yu. <sup>9</sup> Apenumua iye ðaicõjeiyede coreóvabecu, torojucu barejacácu ji baju. Coreóvabedejacacu boropateyu ji baju. Ñbenita cñinájaravu ji jápaiyede yo ðaicõjeino, “Áujimejara” ainore, ure ámeina ðaiyede búrejacacu yu. Aru yaiyú bácure coateyu barejacácu Jñmenijicure jaruvarí.

<sup>10</sup> Jñmenijicu coyuridurejaquemavu ñi ðaicõjeiyede Moisés bácure, põeva ju arí diede ne curájiyepе ayu me

úque ijāravure aru jāravu cñiméjaravu baquinóre máre. Ñbenita bíjare ðarejaquemavu yure. Ji ðabe báque boje yõpe Jñmenijicui ðaicõjeiyepe, coatede ðaimu marejacácu yu Jñmenijicure jaruvarí. <sup>11</sup> Ji coreóvaiye báque boje, cñináro ñi ðaicõjeiycarõ ñi coyuiye báque Moisés bácure, jujovaimure tedejacacu yu ji ámeina ðaiyue boje. Nurié dápíabedejacacu yu. Ñbenita ji nópe ðaiye báque boje, ju abedejacacu Jñmenijicure. Que teni ji ámeina ðaiyue boje, coatedejacacu yu Jñmenijicure jaruvarí yaiyú bácure no ðaicõjeino cñinároque. <sup>12</sup> Que baru ámecubu yu. Ñbenita Jñmenijicui ðaicõjeiye ñi coyuiye báque Moisés bácure ámeno cubetamu die. Que baru yo Jñmenijicui ðaicõjeino cñináro máre ámeno cubenotamu. Pueno baju mearotamu, yõpe Jñmenijicuvacari pueno baju meacure. Aru põeva nore mearore ðaiyu torojurivubu.

<sup>13</sup> ¿No ðaicõjeino mearo aru torojure ðaino máre coatede ðaidi yure Jñmenijicure jaruvarí yaiyú bácure? ¡Bi, ye que ámevu! ¡Aipinumu vaibéjarõri nópe! Quénora ji baju ámeina ðaiyue boje, coatedejacacu yu Jñmenijicure jaruvarí yaiyú bácure. Ji ju abede no ðaicõjeino mearore, jáðovaivu aipe pueno ámeno baju ji ámeina ðaiyuede. Que teni Jñmenijicu coyurejaquemavu no ðaicõjeinore, ji majiquiyepе ayu aipe pueno ámeno baju ji ámeina ðaiyuede. <sup>14</sup> Maja judíova majidivubu Jñmenijicui ðaicõjeiye ñi coyuiye báque Moisés bácure pueno mearo baju Jñmenijicui Espiritu Santoi epeiye báque boje diede aru ñi jie báque boje máre. Ñbenita yúcapuravu ðaicõjeimumu ji ámeina ðaiyueque. Aru ámecubu yu. Yúvacari ðayubu yõpe ji ámeina ðaiyure. Yõpe yebacacu, apesui bojedaimure ráyubu yu. Aru ji ámeina ðaiyue ñai yebacacui jabocure painomu. Que baru yurecabu ðaicõjeimu ji ámeina ðaiyueque.

<sup>15</sup> Jáve coreóvabevu aipe vaiyede yure aru ji ðaiyede máre. Yõpe ji ðaiyurepe ðabevu yu. Ñbenita iyebu ji jáiyube

ji ðaiye. <sup>16</sup>Ji ðaiyubede ðayu baru, jádovaivu yu Jūmenijicui ðaicōjeiyede méne. <sup>17</sup>Yávacari ðayubu iye āme ji ðaiyede. Ūbenita que ðabevu ji ũe boje. Quénora ji āmeina ðaiyue cūe boje cāreja ji ũmei, diebu āmeina tede ðaiye yure. <sup>18</sup>Yu majivu yure me cubede. Ji ũmei mearo cubevu. Yávacari ðaiyuvu méne. Ūbenita ye buojabevu ðayu méne yópe ji ũrópe. <sup>19</sup>Iye méne, ji ðaiyuede, ðabevu yu. Quénora iye āmene, ji ðaiyubede, ðaivu yu. <sup>20</sup>Yu ðayu baru ji ðaiyubede, yu ānevū ðayu diede. Quénora ji āmeina ðaiyue cūe cāreja ji ũmei, diedecabu āmeina tede ðaiye yure.

<sup>21</sup>Que baru yu coreóvaivu aipe vaiyede yure cainumua. Méne ðaiyuvu yu. Ūbenita quénora ji ðaiyeque āmene eaivu yu. <sup>22</sup>Torojuri ũvu Jūmenijicui ðaicōjeiyede ji ũmei. Aru ðaiyuriduvu yu diede. <sup>23</sup>Ūbenita ji āmeina ðaiyueque ðaicōjeimumu yu. Yópe boaipóeva ne maucvarādaiyepere ĩmaro jabocure, nopedeca ji āmeina ðaiyue maucvare ðaivu yure.

<sup>24</sup>Que baru jāve yu, pōecu, cōmaje ārojacubu yu. Ūrarōreca jāvu yure meadaipōecure, ðaicōjeimu āmequiyepere aivu ji āmeina ðaiyueque aru coateimu āmequiyepere aivu Jūmenijicure jaruvārī. <sup>25</sup>Yu mearore jiyubu Jūmenijicu pūeno meacu bajure. Ūrecabe maje jabocu Jesucristore caðatede ðayu yure. Yópe cuvū yu: Yávacari Jūmenijicure ju aiyvū yu. Aru ũre memecaiyvū yu. Ūbenita nópe ji ðaiyepere ðaiye majibevu yu cainumua. Quénora apenumua ðaivu yu yópe ji āmeina ðaiyueque.

**Espíritu Santoi cure ðaino pōevare yópe ũi ũrópe**

(Mr 14.36; 1 Co 3.16; Gá 3.17-19, 4.5-7)

**8** <sup>1</sup>Caride maja Jesucristoque curivubu cūinávpe. Que baru coatebenajaramu maja Jūmenijicure jaruvārī, maje āmeina teiye boje. <sup>2</sup>Nai Espiritu Santoi ðaicōjeiye boje yure caride, cure ðaibi yure Jesucristoque cūinávpe. Que baru jāve cure ðaibi yure. Que teni ñai Espiritu Santo

ji āmeina ðaiyuede ðaicōjemene ðaibi yure. Que baru ji baju āmeina ðaiyue coatede ðarī buojabevu yure Jūmenijicure jaruvārī yaiyú bācupe. <sup>3</sup>Jūmenijicuvacari ðacarejaquemavu majare iye ũi ðaicōjeiye ũi coyuiye bāque Moisés bācure ðarī buojabede. Póeva ne āmeina ðaiyuede ũe boje, náva ðaicōjeiyepe ðarī buojabedejaquemavu ne majiéque. Que baru iye ðaicōjeiyeque Jūmenijicu meadayu buojabedejaquemavu pōevare ne āmeina teiyede jaruvārī.

Ūbenita Jūmenijicucapūravu darorejaquemavu mamacure, ũ jicure, jaruvacacuyu pōeva ne āmeina ðaiyuede, maje curājiyepere ayu āmeina ðaiyubevuva. Nai mamacu ðarejaquemavu ijārvavī pōecure, cuvacu ũi baju yópe apevu pōeva, āmeina teivu ne bajupe. Ūbenita Jesucristocapūravu ye āmeina ðabedejaquemavu cainumua. Ūbenita Jūmenijicu ñājine ðarejaquemavu mamacui bajure, ũi bojeðaquiyepere ayu maje āmeina ðaiyuede, meadacuyu majare maje āmeina teiyede jaruvārī. <sup>4</sup>Jūmenijicu ðarejaquemavu nópe, ðare ðacuyu majare caiye ũi ðaicōjeiyepe me. Majarecabu ðabevu yópe maje baju ũrópe. Ūbenita majarecabu ðaivu yópe ñai Espiritu Santoi ũrópe ũi paruéque.

<sup>5</sup>Ina pōeva ðaivu yópe ne baju ðaiyue ðaicōjeiyepe ne majiéque máre, nácapūravu dápiadama ne baju uede. Ūbenita ina pōeva ðaivu yópe ñai Espiritu Santoi ðaicōjeiyepe ũi majiéque, nácapūravu dápiadama ñai Espiritu Santoi uede. <sup>6</sup>Muja dápiarī ðaivu baru muje ũmei uede, mujacapūravu jāve yaivu bācavupe paivubu, coateivu Jūmenijicure jaruvārī. Ūbenita muja dápiarī ðaivu baru ñai Espiritu Santoi uede, mujacapūravu jāve apurivu, cārijimena me curivubu muja Jūmenijicūque. <sup>7</sup>Que baru ñai pōecu dápiarī ðayu baru ũi baju uede, maucvarī ju abebi Jūmenijicure. Aru jāve ye ðaicōjeñu buojabebi Jūmenijicure ũi bajure máre. <sup>8</sup>Que



baru ina pōeva ðaivu ne baju ñede ne majiéque jáve Jūmenijicure torojure ðari buojabema na.

<sup>9</sup> Ñbenita mujavacari, ñai Espiritu Santoi cwe boje mujaque, muja ðabevu yópe muje baju urópe muje majiéque. Quénora ðaivubu muja yópe ñai Espiritu Santoi urópe ñi majiéque. Ácu pōecu cuvabecu baru ñai Espiritu Santore úque, Cristo jicu amemi ñi. <sup>10</sup> Ñbenita mujacapuravu curivubu Jesucristoque cūinávure. Aru ñai Espiritu Santo apure ðaibi mujare. Muje baju coapa yópe yaivu bácvure coateivutamu muja muje amaina ðaiyue boje. Ñbenita mujavacari apurivu me curivubu cārijimena Jūmenijicūque “Boropatebevū muja ji jáinore”, ñi arī coyūie báque boje Jesucristoi ðacaiyede mujare. <sup>11</sup> Aru Jūmenijicu ñai Espiritu Santore nacovare ðarejaquemavu Jesucristore yainore jaruvārī. Ñai Espiritu Santoi cwe boje mujaque, apure ðacuyume muje bajuáre, muje cvarājiyepere ayu mamaume. Aru iye mamaumeque muja cvarājaramu parúede, ðarājivu no mearore yópe muje ðaiyūere.

<sup>12</sup> Muja, jívū, que baru ðaiye javvu majare ñai Espiritu Santoi majiéque, yópe ñi urópe. Ðaiye javbevū majare yópe maje baju urópe maje majiéque.

<sup>13</sup> Muja ðaivu baru yópe maje baju urópe muje majiéque, jáve coatede ðaimaramu muja Jūmenijicure jaruvārī caride. Aru Jūmenijicu ñájine ðacuyume mujare cainumua. Ñbenita muja ðajocaivu baru muje amaina teiyede caride, aru muja ðaicōjemevū baru muje amaina ðaiyuede muje bajure, ñai Espiritu Santoi cadateiyequē jáve me curivubu cārijimena Jūmenijicūque.

<sup>14</sup> Caivu ina Jūmenijicui mára ðaivubu yópe Espiritu Santoi urópe, ñi jaboteimarape paivu. <sup>15</sup> Javede jidurivu barejaquémavu muja Jūmenijicure. Ñbenita ñai Espiritu Santo, Jūmenijicui daroimū mácu, yebacavure tede ðabebi mujare yópe muje ðaicōjemenajiyepere ayu bedióva cojedeca muje amaina ðaiyūequē. Que baru jidure ðabebi

ñi mujare. Muja jidubevū coateiyede Jūmenijicure jaruvārī, muje amaina teiye boje. Nópe vaibéquiyebo mujare. Quénora ñai Espiritu Santo majide ðaibi mujare, curājivure yópe Jūmenijicui urópe. Que ðayū ñai Espiritu Santo ñi majiéque “mū, jipacu”, arī coyure ðaibi majare Jūmenijicure. <sup>16</sup> Ñai Espiritu Santo cūbi maje ūmei, majide ðacuyū majare Jūmenijicui mára juedōjinape paivure. <sup>17</sup> Jūmenijicui máramu maja. Que baru jacopurājaramu úre caiye iye Jūmenijicui mearo ðacaiyede, ñi jíquiyede ñi pōevare. Aru jacopurājaramu maja Jesucristoque iye Jūmenijicui jíquiyede úre. Ñbenita Jesucristope ārojamevū maja cāreja. Que baru ñájivubu Jesucristope ijārvui. Aru ñájivu baru caride, jáve cūinájārvū baquinó meara baju barājāramu maja yópe Jūmenijicui urópe, Jesucristope. Aru Jūmenijicu “Mearamu muja”, arī coyucuyume majare.

**Jūmenijicui jáðovaquino ñi pōeva  
meara bajure  
(2 Co 5.2-4)**

<sup>18</sup> Jáve majivu yū urarō mearore Jūmenijicu ðacacuyure majare, maje torojurājiyepere ayu maje ūmei ñi oatvūquiyede majare yópe ñi urópe. Que baru ye baju amevū majare maje ñájiyede ijārvure, maje cuede yópe Jūmenijicui urópe ðaiye jaué boje cāreja. <sup>19</sup> Caivu Jūmenijicui cuedaimara napini coreivū, pare jáiyurivubu Jūmenijicui oatvūquiyede caivu ñi mārare yópe ñi urópe, mamaumeque meara baju. <sup>20</sup> Caiye iye Jūmenijicui cuedaiye báque “Yópe vaiquíyebu” ñi aye báquedeca, vaibévū yópe ñi urópe. Caiye bíjare nuivū. Ñbenita ñi cuedaiye báque cūináro ye bíjavevū. Quénora Adán mácu amaina teni ñi ju abe báque boje Jūmenijicure, Jūmenijicu bíjaicōjenejaquemavu diede. Ñbenita cainumua amēniduiyebu yópe. Quénora caivu Jūmenijicui cuedaimara napini coreivubu, Jūmenijicui meadaquiyepere aivu caiye iye ñi cuedaiye báquede yópe ñi aye báquedeca.

<sup>21</sup> Caiye Jūmenijicui cuedaiye báque bǵjare n̄iye jauvu javede aru caride máre, yópe yebacavure ne daiye jauépe ne jabocui daicōjeiyede. Ūbenita cūinájāravu baquinó Jūmenijicu dajocare đacuyume diede. Aru mamaro mearo đacuyume ũ caiyede. Quédeca urarō meara đacuyume caivu ũi mārare. <sup>22</sup> Maja majidivubu javede p̄ caride máre caiye iye cuedaiye báque n̄ájiyede yópe juedocu p̄oteyure n̄ájiyep̄e. <sup>23</sup> Aru maja máre cuvarivubu n̄ai Esp̄ritu Santore, Jūmenijicui daroim̄u mácre majare, mamarum̄ure maje ju ar̄i buiyede Jesúre. Que baru majavacari napini coreivubu dijāravure, Jūmenijicui ámeina teiye cubede đaquijāravu baquinóre majare coapa, maje curājiyep̄e Jūmenijicui mārava, yópe ũi nr̄ope. <sup>24</sup> Jūmenijicu meadarejaquemavu majare. Majare napini corede đar̄i ũi đaquiyede yópe ũi aiyepedeca, meadarejaquemavu majare. Ūbenita jáivu iye maje napini coreiyede, jáve napini coreiye ámevu die. P̄ocu cubebi napini coreyu iyede ũi jave jáiye báquede. <sup>25</sup> Ūbenita napini coreivu baru iye maje jámene cāreja, napini coreiye jauvu majare.

<sup>26</sup> Quédeca n̄ai Esp̄ritu Santo cadatecudayube majare, parubevure, maje mearore daiye majibe boje. Maje urarō majibe boje, jēniayep̄e jauřore Jūmenijicure majibevu maja. Aru aipe đar̄i jēniainore máre majibevu maja. Que baru n̄ai Esp̄ritu Santovacari, maje coyuiyede majicu, jēniacaibi Jūmenijicure majare boje. Que teni ũme cotur̄i, coyuiibi Jūmenijicure iye maje coyuiyede, maje yávaiye majibeque. <sup>27</sup> N̄ai Esp̄ritu Santo jēniacaibi Jūmenijicure parur̄oreca, cadatecuȳu Jūmenijicui p̄evare yópe Jūmenijicui ur̄ope. Que baru Jūmenijicu, caivu p̄eva ne dápiaiyyede majicu, majibi Esp̄ritu Santoi dáp̄iar̄i đaiyuede.

**Cristo ũi cadateino caiye maje daiyede**

(2 Co 3.18; Gá 4.19; Fil 3.10)

<sup>28</sup> Maja majidivubu Jūmenijicure ur̄ivu baru, Jūmenijicu cadateyure

majare cain̄m̄ua. Jūmenijicu mearo đacaibi majare caiye vaiyede majare, ũi cutuimara mácavure. Aru javede, mamarum̄ure, Jūmenijicu majidejaquemavu aipe ār̄ojarivure đacuȳu majare, ũi cutuimara mārājivure. <sup>29</sup> Jipocamia Jūmenijicu beorejaquemavu ũ jina mārājivure. Ūi beoimara mácavure Jūmenijicu epedejaquemavu, ũi mácure paivu barājiyep̄e aȳu aru mamacu n̄emamicure páyu baquiyep̄e aȳu obedivu jēneboi. <sup>30</sup> Aru ũi ep̄imara mácavure Jūmenijicu cutuibi, ju arājiyep̄e aȳu ũi cutuiyede ũ jina mārājiv̄u. Aru ũi cutuimara mácavure “Boropatebev̄u m̄uja ji jáinore”, ar̄i coyuiibi náre Jūmenijicu. Aru ũi coyuiimara mácavu boropatebevure Jūmenijicu cure đaibi náre mearava yópe ũi nr̄ope.

<sup>31</sup> ¿Aipe arājidi maja? Jūmenijicui cadateiye boje majare, ye baju ámevu ap̄ev̄u ne mauc̄varō majare. P̄ocu cubebi ámedar̄i buojaȳu maje ũmene.

<sup>32</sup> Jūmenijicu jecubedejaquemavu mamacure, meadacuȳu majare. Qué Nora jēni jicarejaquemavu ũre, ũi urarō n̄ájiquiyep̄e aȳu majare boje. Que baru maje majié boje jicayure mamacu cūinácure, ũi ũm̄ure, majare boje, jáve majidivubu đacacuyure majare máre mearore quéda jecubeda. <sup>33-34</sup> Jūmenijicuvacari “Boropatebev̄u m̄uja ji jáinore”, ar̄i coyurejaquemavu jave ũi beoimara mácavure. Que baru p̄ocu cubebi ámeina boro coyur̄i adar̄i buojaȳu majare. Aru p̄ocu cubebi coyur̄i buojaȳu majare n̄ájiyep̄e jauřore máre. Jesucristo, yayiú b̄acu majare boje, nacovaim̄u mácu yainore jar̄uvar̄i, Jūmenijicui meap̄urav̄u cubi caride. N̄ai meap̄urav̄u c̄ucu par̄uéd̄e cuvabi. N̄ai Jesucristo parur̄oque jēniaimi Jūmenijicure majare boje. Que baru n̄ame ámeina boro coyur̄i adar̄i buojabema majare. <sup>35</sup> Ye coatede đar̄i buojabev̄u majare Cristore, majare ũcure, jar̄uvar̄i. Maja n̄ájiv̄u baru, aru ch̄ioivu baru, aru ámeina yávaimara maru, aru áv̄uē ijimara maru áiye cubedu, aru cuitót̄ecaje cubedu, aru jidur̄iv̄u baru

jidoae boje, aru boarí jaruvaimara maru máre, caiye iye boje ye coatede ðaimara ámenajaramu maja Cristore jaruvarí.

<sup>36</sup>Aru iye boaiye borore javede Jümenijicu, yópe arí, toivaicõjenejaquemavu cüinácu ñi yávaiyede coyucaipõecu bácu:

Caijárovua boarí jaruvadama ñujacavure, ñuje mure ñe boje. Dápiadama ñujare curivure ne boarí jaruvarájimarape, yópe ne dápiaiyepe ovejavare ne nuvaimarare boainoi, arejaquemavu Jümenijicui yávaiyede coyucaipõecu bácu Jümenijicure.

<sup>37</sup>Ûbenita majacarpüravu maje mauva ne ámeina ðabemaramu. Quénora Jümenijicu püeno meare ðalbi majare ne ámeina ðariduiyede, ñi ñeque ñi jáðovaiye báquede Cristoí yayjárovui. Cadatevai bi majare, ðacuyü püeno meara máräjivü.

<sup>38</sup>Yu jáve majivu iyede: Ye majare coatede ðarí buojabevü Jümenijicure, majare ucure, jaruvarí. Maje yaidú, Jümenijicu ñbi majare. Aru maje curu ijárovure obediüua, Jümenijicu ñbi majare máre. Aru ángeleva, aru jabova, aru cavarõi parurivü máre ye majare coatede ðarí buojabema Jümenijicure jaruvarí. Nopedeca caiye iye cari járovu vaiye boje, aru caiye iye apejárovua baquiyé vaiquíye boje máre ye majare coatede ðaimara ámenajaramu maja Jümenijicure, majare ucure, jaruvarí. <sup>39</sup>Aru maja nuivu baru ijárovu püenoí aru jia urada ñmujurõ jívüi máre, coatede ðaimara ámenajaramu maja Jümenijicure, majare ucure, jaruvarí. Que baru jáve ye cubenore cuedaino mácarõ boje maja coatede ðaimara ámenajaramu Jümenijicure, majare cuedayü bácu, jaruvarí. Majidivübu maja aipe Jümenijicui urarõ urõre majare, Jesucristoí mearo ðacaiye báque boje majare. Que baru curivütamu maja Jesucristoque cüinácvupe.

**Jümenijicu ñi beoino judíovare,  
Israecavure  
(1 P 2.10)**

**9** <sup>1</sup>Yu coyuyübu mujare yávaiyede jávene. Yu Cristoí jicübu. Que

baru borocübevü yu. Ñai Espíritu Santo ðaicõjeimi “Boropatebevü yu”, ji arí dápiaiyeque. Que baru majivü yu borocübede iye ji coyüiye. <sup>2</sup>Jáve pare chõivü yu ji ümei, jívure ne ju abe boje Jesúre. Járovua coapa chõiori ñájivü yu ji üme ji uriduiye boje ina jñecuva mácvui páramena ne ju arájiyepe ayu Jesúre. <sup>3</sup>Yu náre cadateni buojayü baru, yúvacari jëniájebu Jümenijicure ñájine ðacuyure yure toabo cüiméboi, ne bíjabenajiyepere ayu. “Coatede ðajacu yure Cristore jaruvarí”, ajebu yu Jümenijicure. <sup>4</sup>Návacari Israel bácu, ñai mamarümu Jacob ámicücu bácu, Jümenijicui püeno baju mearo ðacaimü mácvü páramenamu. Návacaribu Jümenijicui beoimara mácvü, ñi epequiyepere ayu náre ñi bucúovaimara. Náque cücü, Jümenijicu jáðovarejaquemavu náre ñi mearo miadárorre, ne majinajiyepere ayu meacu bajure. Jümenijicu coyurejaquemavu náre: “Yurecabu müje jabocu. Aru mujarecabu ji jaboteimara”. Que arí, Jümenijicu toivaicõjenejaquemavu Moisés bácu ñi ðaicõjeiyede náre. Jümenijicu buedejaquemavu náre aipe ðarí ne jáve mearore jínajiyede ñre. Jümenijicu “Yu mearo ðacacuyümu mujare”, arí coyurejaquemavu náre. <sup>5</sup>Ina judíovavacari “Ñujeñecuva mácvübu”, adama Abraham mácu, Isaac bácu, Jacob bácu, aru Jacob bácu doce paivü mamara mácvüre máre, ne yajuboare buipõeva mácvüre. Aru Cristovacari pøetedejaquemavu yópe ne yajubocacupe, judíovacacupe. Ûbenita me jápiajarã yure. Jesucristo pøecübe. Ûbenita ñ máre Jümenijicu, mearore jímüme, aru ne torojuede jímüme cainüma járovu cüiméjárovu baquinóre. Quédecabu.

<sup>6</sup>Yu coyübevü mujare Jümenijicui ðabede yópe “Mearo ðacacuyümu yu mujare”, ñi aipe báquepedeca ina Israecavü majeñecuva mácvüre. Quénora yorecabu jáve: Caivü ina Israel bácu páramena Jümenijicui beoimara mácvü ámemá. Que baru caivü ina

judíova baju ãmema. <sup>7</sup> Ārujara m̄ja aipe Jūmenijicui jáđovaino mácarõre caivũ ina Abraham mácui pãramenare ãi pãramena baju ãnevũre ãi jáinore. Que baru, “Quévũra ina Isaai pãramena marajãrama mipãramena baju”, arejaquemavũ Jūmenijicu Abraham mácure. <sup>8</sup> Nõre ayũ Jūmenijicu, aiycũ barejaquémavũ yõre: Ina Abraham mácui pãramena, põeteivũ yõre caivũ arevũ juedovape, ãi pãramena baju ãmema Jūmenijicui jáinore. Quénora ina Abraham mácui pãramena põeteivũ Jūmenijicu “Yõre mearo đacacũyũtu yũ m̄jare”, ãi aipe báque boje, nárecabu, ãi soyũiyede ju aivũ, jáve Abraham mácui pãramena baju. <sup>9</sup> Yõre arĩ, Jūmenijicu soyurejaquemavũ Abraham mácure: “Yõre đacacũyũtu yũ m̄jare. Cari daijũi copaidacũyũtu yũ. Dinũtu maquinõre mimarepaco, Sara, jave juedocũvacodome mamacũre”, arejaquemavũ Jūmenijicu Abraham mácure.

<sup>10</sup> Ārujara aipe Jūmenijicui jáđovaino mácarõre Isaac bácũque caivũ ina Isaac bácui pãramenare ãi pãramena baju ãnevũre Jūmenijicui jáinore, ãi beobe báque boje náre. Majeñecu mácui márepaco báco, Rebeca báco, juedoearejaquemavũ pũcarã mamara pẽjavare népacũ Isaac bácũque. <sup>11-12</sup> Jūmenijicu nõre vaidé đarejaquemavũ, beocũyũ cũinácũ némacũre yõre ãi ũrõre, ãi majié báquepedeca mamagũmũre. Yõre arĩ, Jūmenijicu soyurejaquemavũ Rebeca bácure: “Īmascapũravũ jĩbũcu pũeno rapũrõ pũcũyũte. Jĩbũcu memescũyũte ĩmascapũravũre”, arejaquemavũ Jūmenijicu Rebeca bácure. Jūmenijicu nõre arejaquemavũ ne põetenajije jipocamia. Ũi nõre aiyede ina pũcarã ye đabedejaquemavũ cãreja mearore aru ãmenore máre. Que baru Jūmenijicu ye beobedejaquemavũ nácacũre ãi đaiye báque boje. Quénora beorejaquemavũ cũinácũ nácacũre ũ jicu bacũyũva ãi cutuquiyede boje ũre. <sup>13</sup> Aru obedijũa yõboi, yõre arĩ Jūmenijicu

toivaicõjenejaquemavũ ãi yávaiyede: “Jacore ũrejacacũ yũ. Ũbenita Esaũre ũbedejacacũ yũ”, arejaquemavũ Jūmenijicu.

<sup>14</sup> Āipe soyũrãjidi maja caride diede? ĀJūmenijicũvacari đabedi mearore caivũm̄a yõre “Đacacũyũtu”, ãi aipe báquepedeca? ĀQue ãnevũ! ĀAipinũtu Jūmenijicu đabecũbe nõre! <sup>15</sup> Yõre arejaquemavũ Jūmenijicu Moisés bácure: “Yũ cõmaje ãroje jáiyũcu baru põecure, ũre cõmaje ãroje jácũyũtu yũ. Aru yũ mearo đacaiycũcu baru põecure, ji cõmaje ãroje jáiye boje, ũre mearo đacacũyũtu yũ”, arejaquemavũ Jūmenijicu. <sup>16</sup> Que baru Jūmenijicu beobebi põecure, ñai põecũi ũe boje. Aru Jūmenijicu beobebi põecure, ñai põecũi đaiye boje. Quénora Jūmenijicu beoĩbi põecure, ãi baju cõmaje ãroje jáiye boje. <sup>17</sup> Yõre arĩ, Jūmenijicu toivaicõjenejaquemavũ ãi yávaiyede ãi daroieyede Moisés bácure, ãi soyũquiyere ayũ ñai Egipto ãmicũrijoborõcavũ ne jabocũ bácure, Faraõn ne aimũre: “Mũ jave ãmeina teyũbu aru pũedabevũ mũ yũre. Aru yũ pũeno baju ãmeina tede nũre đaiyvũ mũre, jáđovacũyũ caivũ põevare aipe vaiquiyede mũre ji majiéque. Aru ne járiburu yõboi diede, ‘Jãve Jūmenijicu majicũbe caivũ pũeno’, arãjarama na”, arejaquemavũ Jūmenijicu. <sup>18</sup> Que baru Jūmenijicu cõmaje ãroje jáimi arevũre yõre ãi baju ũrõre. Aru pũeno baju ãmeina tede nũre đaiibi arevũre máre, ne ũbenajiyere ayũ ũre pũeno baju yõre ãi ũrõre.

<sup>19</sup> Que baru cũinácũ m̄jacacũ jẽniari jácũyũte yũre: “ĀJãve maru iye mi soyũiyede, aipe đarĩ Jūmenijicu soyũyũ bũojaidi põecure, ‘Boropateyũbu mũ mi ãmeina teiye boje?’ Ñame cũbebi bũojarĩ vaidé đayũ yõre Jūmenijicui ũbenope. Aru ñame cũbebi bũojarĩ vaibéde đayũ máre yõre Jūmenijicui ũrõre”, acũyũte yũre. <sup>20</sup> Aru põecũrecabu mũ. ĀAipe teni “Jorojĩni, copũ teni bũojayũtamũ yũ”, arĩ dãpiayũrũ mũ Jūmenijicure? Jororũ yãvarĩ bũojaidũ baru põecure, jẽniari

jámejeba pēpeñure: “¿Aipe teni ñacurū mū yure yópe?” ¡Que ñevu! Jūmenijicu ñarejaquemavu pōevare ũi dápiainope. Que baru cuedayū bácure jēniari jáiye jaubevu cuedaimara mácavure. <sup>21</sup>Nai jororure pēpepōescu jāve ñarī buojaibi ũi urōpe joboque. Cūinábū jobobūque ñarī buojaibi pucarua jororure. Cūináru jororure me ñaibi ñuibajieneca, pōeva ñidure jári ne arājiyepe ayu, “Ñai pēpeñ me majibi”. Aru apedu jororure maumejieneca ñaibi ũre jauéde ũre ñauidu caijāravu.

<sup>22</sup>Aru Jūmenijicu ñaibi pōevare yópe pēpepōescu jororure ũi ñaiyepe. Que teni Jūmenijicu ñapimi urarō ina jorojīni ñaivure ũre ne ñameina teiyeque, ina bíjarājivure. ũbenita apejāravu baquinó Jūmenijicu jáñovacayume ũi jorojiyede pōevare ne ñameina teiye boje. Aru pōevare majide ñacuyume ũi majiéde, ũi ñájine ñacuyede náre, ne ñameina teiye boje. <sup>23</sup>Aru Jūmenijicu máre, yópe pēpepōescu páyū, ñaibi yópe ũi urōpe, jáñovacayū ũi baju pñeno meacure aru meara ñacuyū majare máre, cōmaje ñrojarivure ũi jáinore. Javede Jūmenijicu majidejaquemavu, meacuyū majare meara baju bārājivure. Que baru Jūmenijicu ñaru yópe ũi urōpe majare, ũi cuedaimara mácavure, ñame “Mearore ñabebi ũ”, arī buojabema. <sup>24</sup>Majarecabu Jūmenijicu cutuimara mácavu ũi mára márajivava, apēvu judíovacavu, aru apēvu judíova ñevucavu máre.

<sup>25</sup>Yópe arī, Jūmenijicu toivaicōjenejaquemavu ũi yávaiyede coyucapōescu bácure ũi ñmiá Oseas:

Ina pōeva, ji pōeva ñevu bácavure, acuyumu yu, “Ji pōevatamu mña”. Aru diyajuboa pōeyajuboacavu ji ũbemara mácavure, “Ji ũmaratamu mña”, acuyumu yu, arejaquemavu Jūmenijicu. <sup>26</sup>Aru no curōi “Mñjavacari ji pōeva ñevutamu”, Jūmenijicu aino mácarōmiareca, “Ñai Jūmenijicu apucui máramu mña”, ũi coyumara marajárama, arī toivarejaquemavu Oseas bácū.

<sup>27</sup>Aru Isaías bácū máre Jūmenijicu yávaiyede coyucarejaquemavu, pōeva ne majinajiyepē ayu Israecavu ne borore: “Ina Israecavu obedivubu, yópe ēpayabea jia ēcarui paraiyepe. ũbenita obebevū bajura nácavu meadaimara marajárama na. <sup>28</sup>Aru Jūmenijicucapūravu ñájine ñacuyume Israecavure corebecuva aru maumena”, arī toivarejaquemavu Isaías bácū. <sup>29</sup>Aru jipocamia Isaías bácuvacari Jūmenijicu yávaiyede coyucarejaquemavu, yópe arī:

Ñai Jūmenijicu, caivu ne jabocu, ũi epebedu apēvu majacavure, ne juedocuvārājiyepe ayu, majare máre vaijēbu yópe ñniimaroa Sodomā aru Gomorracavure vaiye báquepe, caivu ina bíjaivu bácavure, arī Jūmenijicu yávaiyede coyucarejaquemavu Isaías bácū Israecavu bácavu borore.

#### Judíova ne jápiaino Jūmenijicu yávaiye méne

(*Jn 12.38; Hch 2.21; Gá 3.12; Ef 6.15; 1 P 2.6, 8*)

<sup>30</sup>Que baru, ¿aipe coyuiye jauři majare caride? Yópe coyuiye jauvu majare. Ina judíova ñevu mememēvu barejaquémavu, Jūmenijicu jáquiyepe aivu náre boropatebevure ne ñaiye báque boje. Quénora Jūmenijicucavari “Boropatebevū mña ji jáinore”, arī coyurejaquemavu náre ne ju aiyede Jesucristore. <sup>31</sup>ũbenita ina judíova, Jūmenijicu beoimara mácavu, ñaivu barejaquémavu Jūmenijicu ñaicōjeiyede ũi coyuiye báquede Moisés bácure, ñarājivu nópe iye ñaicōjeiyepe, Jūmenijicu jáquiyepe aivu náre boropatebevure. ũbenita eabedejaquemavu ñidē. <sup>32</sup>Vobedejaquemavu Jūmenijicu me jáiyede náre ne ju aiyequē Jesucristore. Quénora voridurejaquemavu Jūmenijicu me jáiyede náre ne mearo ñaiyeque. ũbenita yéde eabedejaquemavu na. Que baru vaidējaquemavu náre yópe pōescu torī tuiyepe

cūborā, ũi me jáme boje dibore, nopedeca Cristo bĳarorejaquemavu ina judĳovare ne jápiarĳ eabe boje ũre. <sup>33</sup> Javede Jūmenijicu, yópe arĳ, toivaicōjeneaquemavu ũi yávaiyede dibo cūrabo borore:

Epeivū yū pōecure Jerusalén āmicurĳmaroi. Yópe cūrabo ma coricai dobaribo pōeva toivure ture đaiyepe, nopedeca ina pōeva ju abevū űai pōecure bĳarājarama na. Ũbenita caivū ina ũre ju aivū cūyebenajarama na, arejaquemavu Jūmenijicu.

**10** <sup>1</sup> Mūja, jĳvū, parūrōreca vuvū yū ji ũmei ina Israecavure, ji yajubocavure, ne ju arājiyepe ayū Jesucristore, Jūmenijicui meadaquiyepe ayū náre, ne coatebenajiyeye ayū ũre jaruvārĳ. Que baru ũrarōreca jĳniavaivū Jūmenijicunque náre boje. <sup>2</sup> Yū jáve mūjare coyūivū. Nácapūravū ũrarō memecaiyurĳduivūbu Jūmenijicure ũi ũrōpe. Ũbenina “Yópe Jūmenijicui ũrōpe đavūbu űūja”, arĳ dāpiadama na. Ũbenita yéde đabenama na yópe ũi ũrōpe. <sup>3</sup> Jápiarĳ eabenama Jūmenijicu coyūyure “Boropatebevū mūja ji jáinore” pōevare, ne ju aiyede ũre. Que baru nácapūravū memecarĳduivūbu Jūmenijicure, “Boropatebevū mūja ji jáinore”, ũi arĳduquiyepe aivū. Ũbenita ũre memecaiyvureca, “Boropatebevū mūja ji jáinore”, ye arĳ coyūbebi náre, ne ju abe boje ũre. <sup>4</sup> Jūmenijicucapūravū toivaicōjeneaquemavu ũi đaicōjeiyede ũi coyūiye báquede Moisés bācure, pōeva ne meatenajiyeye ayū Cristoi daquiye jipocai. Diede ju aicōjeneaquemavu caivū ina ju arājivure Cristore, boropatebevū barājiyépe ayū ũi jáinore.

<sup>5</sup> Aru Jūmenijicu “Boropatebevū mūja ji jáinore” arĳ, ũi coyūjuroede pōevare, ne đájuroe boje yópe ũi đaicōjeiye ũi coyūiye báquepe Moisés bācure, die borore Moisés bācūvacari, yópe arĳ, toivarejaquemavu Jūmenijicui yávaiyede: “űai đarĳ buojayū caiye iye Jūmenijicui đaicōjeiyepe cūcyūme ũ. Ũi

đaicōjeiyepe đaiye boje coatede đabemū macūyūme ũ Jūmenijicure jaruvārĳ”, arejaquemavu Moisés bācu. <sup>6-7</sup> Ũbenita Jūmenijicu “Boropatebevū mūja ji jáinore”, ũi arĳ coyūiyede pōevare ne ju aiyede Jesucristore, die borore Moisés bācu, yópe arĳ, toivarejaquemavu Jūmenijicui yávaiyede: “Mi baju jĳniari jámejacu mi ũmei dāpiarĳ, ‘¿űame mārājidi mūivū cavarō mearo Jūmenijicui cūrōi?’ Aru mi baju jĳniari jámejacu mi ũmei dāpiarĳ, ‘¿űame mārājidi joborō jĳvū coivū yaivū bācavū ne cūrōi?’ ” arĳ toivarejaquemavu Moisés bācu. Yópe aiyurōmu no: ¿űame mārājidi ěmeóvarajivū Cristore cavarō mearo Jūmenijicui cūrōre jocarĳ? ¿Aru űame mārājidi nacovarajivū Cristore yainore jaruvārĳ?

<sup>8</sup> Aru yópe Moisés bācūvacari arĳ toivarejaquemavu Jūmenijicui yávaiyede: “Jūmenijicui yávaiye me joabenoimu mure. Que baru coyūrĳ ũi yávaiye méne jĳjecamuque aru ju arĳ ũmeque buojavū mū”, arĳ toivarejaquemavu. Aru iye yávaiye méne cūináturu baju coyūivūbu maja pōevare, ne ju arājiyepe aivū Jesucristore. <sup>9</sup> Mi ju aru Jūmenijicui nacovaiye báquede Jesucristore yainore jaruvārĳ, aru mi ju arĳ coyūru mi jĳjecamuque, “Jesucristo ji jabocube”, Jūmenijicu meadacūyūme mure, mi coatebequiyepe ayū ũre jaruvārĳ. <sup>10</sup> Que teni ũmequedeca pōeva ju aivūbu Jesucristore, Jūmenijicu “Boropatebevū mūja ji jáinore”, ũi arĳ coyūquiyepe aivū náre. Aru jĳjecamuquedeca pōeva coyūivūbu jávene Jesūrā, ũi meadaquiyepe aivū náre, ne coatebenajiyeye aivū ũre jaruvārĳ.

<sup>11</sup> Jūmenijicu, yópe arĳ, toivaicōjeneaquemavu ũi yávaiyede: “űai ju ayū Jūmenijicure cūyoje tebecūyvacaribe”, arejaquemavu.

<sup>12</sup> Jūmenijicu que aibi caivū pōevare, judĳovare aru judĳova ānevure máre. Caivū pōeva cūináturātamu ũi jáinoi. Jūmenijicu cūinácūrabe. Aru caivū ne jabocube ũ. Aru ũrarō

mearo ðacasuyume Jūmenijicu caivũ úre jēniaivure. <sup>13</sup>Yópe arí, toivaicōjenejaquemavũ úi yávaiyede: “Ácu pōescu úi jēniaru Jūmenijicure, ‘mũ, ji jabocu’ arí, Jūmenijicu meadacuyume úre”, arí toivaicōjenejaquemavũ. <sup>14</sup>Apecu aquiichubi yure: Ûbenita pōeva jēniaivũ buojabenama Cristore, úre jũ abevũ baru. Aru jũ aivũ buojabenama úre, jápiabevũ baru úi yávaiye méne. Aru jápiaivũ buojabenama iye yávaiye méne, coyũipōeva ne buebedo náre. <sup>15</sup>Aru úi yávaiye méne coyũipōeva buevũ buojabenama iye yávaiye méne, náre jarobedu, aquiichubi apecu. Jūmenijicu, yópe arí, toivaicōjenejaquemavũ úi yávaiyede: “Jesús úi yávaiye méne coyũipōeva ne eaiyede pōeva yebai, torojure ðaivũbu náre ne úmei”, arí toivaicōjenejaquemavũ.

<sup>16</sup>Apecu úi que aru, yópe arí, coyũjebu yũ: Ûbenita ina jápiaivũ bávavu obedivũ jũ abema na iye yávaiye méne. Isaías bávavacari arejaquemavũ Jūmenijicure: “Mũ, ji jabocu, obebejina baju jũ adama ñje borore”, arejaquemavũ Isaías bávavu Jūmenijicure. <sup>17</sup>Aru cojedeca apecu aquiichubi yure: “Pōeva jũ adama Cristore ne jápiaie báquede úi yávaiye méne. Aru pōeva jápiadama iye yávaiye méne coyũipōeva ne bueieye báque boje náre”, aquiichubi apecu.

<sup>18</sup>Ûi que aru, yópe arí, coyũjebu yũ: Jēniaru jáivũ mure: ¿Israecavũ jápiarejaquemari cáreja Jūmenijicui yávaiye méne? Jájũ, jáve jápiarejaquemavũ na diede. Jūmenijicu, yópe arí, toivaicōjenejaquemavũ úi yávaiyede úi cuedaiye báque borore:

Jáicōjeñũ pōevare cavarõre aru ne járu, majide ðajebu náre pueno baju meacu Jūmenijicure. Aru ne járu caiye Jūmenijicui cuedaiye báquede járavua coapa aru ñamiá coapa máre, majide ðajebu náre Jūmenijicui yávaiye jaubeda, arí toivaicōjenejaquemavũ.

<sup>19</sup>Aru bediõva cojedeca jēniaru jáivũ mure: ¿Ina Israecavvacari

coreóvarejaquemari aipe Jūmenijicu ðacuyure? Jájũ, jáve coreóvarejaquemavũ na diede. Mamarumure apevure ne jipocai Moisés bávavacari, yópe arí, jũ arejaquemavũ úi toivaiey báqueque Jūmenijicui yávaiyede: “Tebutede ðacuyumu yũ mujare apevũ pōevare, jáve pōeyajubocavũ ánevũque. Aru jorojĩne ðacuyumu yũ mujare pōeyajubocavũ ánevũque”, arejaquemavũ Jūmenijicu Israecavure. <sup>20</sup>Aru Jūmenijicu toivaicōjenejaquemavũ úi yávaiyede Isaías bávure napimecava, yópe ári: “Ina pōeva ye vobevũ bávavu yure, nárecabu eavũ yure. Aru yũ jáðovarejacacu ji baju ina pōeva ye jēniaru jánevũ bávavure yure”, arejaquemavũ Jūmenijicu. <sup>21</sup>Ûbenita Israecavure ne borore Jūmenijicu arejaquemavũ: “Caijãravuare cárijimene ðayũrĩdivũ yũ ina pōeva jũ abevũre aru maucvavivure yure”, arejaquemavũ Jūmenijicu Isaías bávavu toivaiey báquede.

**Jūmenijicu úi jecurĩ beoino judiõvare**  
(Fil 3.5)

**11** <sup>1</sup>Que baru, ¿Israecavure Jūmenijicu jarũvaidi úre jarũvarĩ? jēniaru jáivũ yũ mujare. ¡Bi, ye que ánevũ! ¡Aipinũmũ vaibéjarõri nópe! Jūmenijicu jáve jarũvabebi náre. Yurecabu Israecacu. Abraham mácu pãramecũbu yũ. Aru Benjamín ámicũriyajubo pōeyajubocacũbu yũ. <sup>2-3</sup>Israecavũ Jūmenijicui beoimaramu. Jávede Jūmenijicu beorejaquemavũ ñujare úi pōeva máravivure. Jūmenijicu jarũvabebi ñujare.

Aru mũa coreóvaivũbu jáve yópe arí toivaiey báquede Jūmenijicui yávaiyede Elíai coyũiey báquede Jūmenijicuque. Elías chíõñ arí jēniarejaquemavũ Jūmenijicuque: “Mũ, ji jabocu, jáve boarĩ jarũvaquemavũ mi yávaiyede coyũcaipōeva mácvure. Aru mi áimarare boarĩ juarĩ jácavare máre mure jáve bĩjare ðaquemavũ die coapa. Aru yũ quécũrabu mi yávaiyede coyũcaipōescu apucu cáreja. Que baru

yure máre boarí jaruvaiyuvivubu na”, arejaquemavu Elías Jūmenijicure.

<sup>4</sup>Ūbenita Jūmenijicucapūravu, yópe arí, coyurejaquemavu Elíare: “Siete mil paivu baju ūmva Israecavu curivu cāreja mearore jíbema na pēpeimure ūi āmiá Baal”, arejaquemavu Jūmenijicu Elíare.

<sup>5</sup>Quédecabu caride máre. Obebevu baju curivubu Jūmenijicui beomara mácavu, ūi cōmaje āroje jáiye boje majare. Jūmenijicu beoibi majare ūi me boje, mearo đacayu bojecubeda. <sup>6</sup>Beobebi majare maje mearo đaiye boje. Jūmenijicui beoru pōevare ne mearo đaiye boje, mearo đacaiye bojecube cubejebu. Quéhora ūre bojedajebu na ne mearo đaiyede.

<sup>7</sup>¿Aipe arājidi maja caride? Yópe arājivubu maja: Ina Israecavu vorí durejaquemavu Jūmenijicu “Boropatebevu muja ji jáinore”, ūi coyūquiyeye aivu náre. Ūbenita caivu ebedejaquemavu ne ūrōre. Obebejina nácavu, Jūmenijicui beomara mácavu, earejaquemavu diede. Ūbenita Jūmenijicu caivu apevu nácavure jápiaicōjemenejaquemavu ūi cutuiyede náre. <sup>8</sup>Yópe arí, Jūmenijicu toivaicōjenejaquemavu ūi yávaiyede: “Jūmenijicu dápíabede đarejaquemavu náre aru coreóvabede đarejaquemavu náre máre. Javede aru caride máre jámenama na aru jápiabenama na Jūmenijicui đaiyede aru ūi ūrōre máre”, arí toivaicōjenejaquemavu. <sup>9</sup>Yópe arí, Jūmenijicu toivaicōjenejaquemavu David bácure:

Caiye iye meadaiye űuoibope baquiyébu. Náre jēni ture đaquiyebu. Aru űájine đaquiyebu náre. <sup>10</sup>Jūmenijicu jámene đajacurí náre, ne coreóvabeni űájinaiyeye ayu cainmua, arí toivarejaquemavu David bácu.

**Jūmenijicu ūi meadaino  
judíova āmevure**

<sup>11</sup>Que baru, čina judíova Jūmenijicure jáiyubeni aru jápiaiyubeni ne vainí tuiye

báque boje bįjarorejaquemari náre? jēniari jáivu mujare. iBi, ye que āmevu! iAipinmū vaibéjarōri nópe! Ina judíova ju abedejaquemavu Jūmenijicui yávaiye méne. Que baru vainí turejaquemavu na Jūmenijicure jaravarí. Iye ne vainí tuiye báque āmeina teiye barejaquémavu. Aru iye ne āmeina teiye boje, ina judíova āmevu jápiaivure Jūmenijicui yávaiye méne aru ju aivure máre, Jūmenijicu meadarejaquemavu náre, ina judíova ne jorojínaiyeye ayu. <sup>12</sup>Ina judíova ne āmeina teiye báque boje, apevu obedivu ijāravucavu eadama ūrarō mearore. Aru ina judíova ne baju boropatebevure Jūmenijicui jáinore eabe báque boje, ina judíova āmevu eadama ūrarō mearore. Que baru pñeno ūrarō mearo baju baquiyébu ānijāravu baquinóre, caivu judíova Jūmenijicui meadaimara márājivubu ne jápiaiyede Jūmenijicui yávaiye méne aru ne ju aiyede Jesucristore.

<sup>13</sup>Caride coyuyabu mujare, judíova āmevure. Cristovacari yure bueicōjeame ūi yávaiye méne mujare. Que baru Jesús ūi yávaiye méne beorí coyūcōjeimūmu yu judíova āmevure. Dápíavū yu parurō ji memeinore. <sup>14</sup>Que teiyede, apevu jívū, judíova, jorojínajichuma ji bueiyede mujare. Que baru ju arājarama Jesucristore aru jápiarājarama Jūmenijicure máre, mujape, Jūmenijicui meadaquiyeye aivu náre. <sup>15</sup>Jūmenijicui ūbede ina judíova jáiyubevure ūre aru jápiaiyubevure máre, apevu ijāravucavu cārijimenejaquemavu Jūmenijicūque. Que baru ūrarō mearo baju baquiyébu ānijāravu baquinóre, Jūmenijicui copu etaiyede ina judióvare, meadacuyū náre. Yópe yaivu bácavu ne nacajaiye yainore jaravarí ūrarō mearo bajutamu. <sup>16</sup>Pāubore mama buraijevete pōeva ne jídu Jūmenijicure, caibo dibo máre Jūmenijicu jibobu. Aru jocucu ñomure máre pōeva ne jídu Jūmenijicure, caiye dicu cavabua máre Jūmenijicui cavabuabu. Quédeca Abraham mácu Jūmenijicu jicu barejaquémavu. Que baru ūi pāramenacavu máre Jūmenijicu jinamu.



<sup>17</sup> Јосџу olivo āmicuricu cуvу jioi. Aru ņija judiova dicуpe paivubu. ņijeņecu mácу, Abraham mácу, dicу нюмуре páyубe. Aru apescu cуvу macarōcasу olivo āmicuricu. Dicуpe paivubu мџja, judiova āmevу. Olivocu jiocacure cavabuare burarī jarуvaquemavу. Que baru macarōcasу cavabuare ĩni, doaquemavу olivocu jiocacure. Que baru ņija judiova cadateivubu мџjare, judiova āmevure, nopedeca jocucu нуoi oco мџri cadateiyepе cavabuare. ņija meadacaivubu мџjare ņije jýe boje мџjare caiye Jūmenijicui mearo đacaiyede ņjare Abraham mácу yóbore. <sup>18</sup>Ūbenita мџjacapūravу āmeina jámejara ina judiovere, Jūmenijicui ũbemara mácavure, yópe cavabua buraicavabuare. Dápiabejarā мџja мџje baju ne рџeno meara. Мџja máre cavabuare paivubu. Que baru cavabua āmevу jýe ocore нюмуare. Quénora нюмуamu jýe ocore cavabuare. Nopedeca мџja mearore đabevу ņija judiovere, quénora ņija mearore đaivubu мџjare.

<sup>19</sup>Ūbenita cūinácу мџjacacу acуyume yure, “Yópe jocуcуare coreipōescui buraiyepе cavabuare jioi curicure, doacуyу apescavabua macarōi curicui cavabuaque, nopedeca Jūmenijicu ĩnejaquemavу apеву judiovere ĩi pōevare jocarī, epecуyу yure ne yebai”, acуyume yure cūinácу мџjacacу. <sup>20</sup>Jāvemу no. Jūmenijicu ĩnejaquemavу náre, ne ju abe báque boje úre. Aru cуvу náre dicui mi ju aye boje úre. Ūbenita dápiabejacу мџ mi baju apеву рџeno meacу. Quénora me đajacу aru me jájacу мџ. <sup>21</sup>Yópe jocуcуare coreipōescу đajocabepе caiye cavabuare jocucu, nopedeca Jūmenijicu caivу judiovere đajocabedejaquemavу ĩi pōevaque. Ūi ýepedeca ina judiova úre ju abevure, jáve мџre máre ĩcуyume úre mi ju abedu.

<sup>22</sup>Járijide apa. Jūmenijicu mearo đacarī бюjaibi pōevare. Aru ņájine đayу máre бюjaibi pōevare. ņájine

đaibi ina āmeina teivure, ju abeni vainí tivure úre. Ūbenita mearo đacaibi maja ju aivure úre, đaiyurivure ĩi urōpe. Cainumua мџje ju aru úre aru đaru yópe ĩi urōpe, ũ mearo đacacуyume мџjare. Ūbenita мџje ju abedu úre, ũ ĩcуyume мџjare máre úre jocarī. <sup>23</sup>Aru ina judiova Jūmenijicure ju abevу bácavу, ne ju aru úre aru ne baju dápiaimore oatvarу, Jūmenijicu epecуyume náre máre ĩi pōevaque cojedeca. <sup>24</sup>Мџja judiova āmevу jocucu macarōi curicu cavabuare buraimara mácavure paivubu мџja. Que baru мџje cójjiye báque Jūmenijicui pōevaque yópe cavabua ne doaiye báquepebu jocucu jioi curicurā. Ūbenita ina judiova jocucu jioi curicu cavabua buraicavabua bácavure paivubu. Que baru ne cójjiye baquiyé cojedeca Jūmenijicui pōevaque yópe cavabuare ne doarājijyepedecabu dicу jioi curicurā cojedeca. Que baru maiyójabevу no Jūmenijicure ĩi epequino náre cojedeca ĩi pōevaque.

**Jūmenijicu ĩi meadaino judiovere**  
(1 Co 2.16, 8.6; Ef 4.6; Col 1.16)

<sup>25</sup>Мџja, jívу, ũvу yу мџje majinajiyepе ayу iye Jūmenijicui jáđovameno mácарōre jipocamia ũbenita jáđovainore caride. Diede мџja majidivу baru, “Me majidivubu ņija”, arī dápiabenajaramу мџja мџje ũmei. Jāvemу yo: Ina Israecavу Jūmenijicui yávaiye méne jápiaiyubema caride. Ūbenita apejáravу baquinói jápiarī ĩi yávaiye méne ju arājarama na diede. Na ju abenama рџ caivу ina judiova āmevу Jūmenijicui meadaimara mārājivу ne ju aiyeta Jesucristore. Aru no yóboi, ina judiova máre jápiarī Jūmenijicui yávaiye méne ju arājarama diede. <sup>26</sup>Que teni Jūmenijicu meadacуyume caivу ina judiova ju arājivure úre. Yópe arī, Jūmenijicu toivaicōjenejaquemavу ĩi yávaiyede:

ņai meadaipōescу dacуyume  
Jerusalén āmicurīmarore jocarī.  
Jarуvacуyume caiye ina Jacob  
bácui páramena ne āmeina

teiyede. Aru āṛumetecuyume diede. <sup>27</sup>Que teni ḏacacuyumu yu yópe “ḏacacuyumu mujare”, ji aiye báquepedeca, ji jaruvaiyede ne āmeina teiyede, āṛumetecuyu diede, arejaquemavu Jūmenijicu.

<sup>28</sup>Ina judíova Jūmenijicure maucvarivubu na, ju abevu ũi yávaiye méne. Aru ne que ḏaiye boje, Jūmenijicu meadaibi apevu mujare, judíova āmevure. Ūbenita ina judíovare Jūmenijicu ũbi, ũi beoiye báque boje neñecuva mácvure.

<sup>29</sup>Jūmenijicui mearo ḏacarí buiyede pōevare bojecubeda ũi me boje, aru ũi cutuiyede pōevare ũ jina mārājivure, jāve oatuvabebi ũi dápiaiñore. Dajocabebi ũi mearo ḏacaiyede aru ũi cutuiyede máre. Quénora buojaiibi iye mearo ḏaiyede ũi buiyede báquede. <sup>30</sup>Aru mija judíova āmevcapūravu javede ju abedejaquemavu Jūmenijicure. Ūbenita caride ina judíova ne ju abede ũre, Jūmenijicu cōmaje āroje jáimi mujare.

<sup>31</sup>Nopedeca ina judíovacapūravu caride, Jūmenijicui cōmaje āroje jáiyede mujare, ju abema ũre. Ūbenita ju arājarama ũre ũi cōmaje āroje jáiyede mujare, ũi mearo ḏacaquiyepa aivu náre máre ũi cōmaje āroje jáiyede boje. <sup>32</sup>Que baru Jūmenijicu ḏaicōjeimarape ḏaibi caivu pōevare, ne ju abe boje ũre, cōmaje āroje jáicuyu náre.

<sup>33</sup>Jāve Jūmenijicu pñeno meacu bajutame. Aru ũrarō cōmaje āroje jáimi caivu pōevare. Ūrarōmu ũi cūve cūvae, aru ũi majié, aru ũi coreóvaiye máre. ũame coyuiye buojabema ũi dápiaiye, ũi me coreóvaiye boje caivu pñeno. Aru ũame coreóvarí buojabema ũi ḏaiyede, ũi me majié boje caivu pñeno. <sup>34</sup>Jūmenijicu, yópe arí, toivaicōjonejaquemavu ũi yávaiyede:

Pōecu cubebi Jūmenijicui dápiaiye de majicu. Aru pōecu cubebi majicarí buojayu Jūmenijicure. <sup>35</sup>Aru pōecu cubebi jácacu Jūmenijicure apejīene, Jūmenijicui bojecubenore cūvaquiyepa ayu ũre cojedeca, arí toivaicōjonejaquemavu.

<sup>36</sup>Que baru Jūmenijicūvacari cūedarejaquemavu caiyede. Ūi paruéque

caivu cūrivubu aru caiye máre cūvu. Aru ũi cūe boje caivu cūrivubu aru caiye máre cūvu. Que baru caivu jínajarevu mearore Jūmenijicure cainūmua. Quédecabu.

**Cūrājarevu memecarājivu  
Jūmenijicure  
(1 Co 12.4-12)**

**12** <sup>1</sup>Muja, jívu, Jūmenijicui pare cōmaje āroje jáiyede boje majare, paredeca jēniaivu mujare, muje jēniarajiyepa ayu Jūmenijicūque, jāve muje ḏarājiyepa ayu yópe ũi ũrópe, caiyede me matuiyeda cainūmua. Yópe pōeva ne jícaiyepa āimara boaimara mácvure Jūmenijicure, jījarā mija muje bajuáre. Ūbenita apūrivubu mija. Mujavacari epejarā muje bajuá coapa Jūmenijicure, memecarājivu ũre cūinácure. Yópe ḏarí coatejarā mija muje āmeina teiyede jaruvarí. Aru Jūmenijicu torojurí jáicuyume mujare. Nópe ḏaivu mija mearore jívu bu Jūmenijicure jāve muje ũmeque. <sup>2</sup>ḏabejarā mija yópe ijāravucavu Jūmenijicure ju abevu ne ḏare ũuiyepa. Quénora Jūmenijicure oatūvaicōjejara mija, cūvarājivu mamaūmene aru muje dápiaiño mamarore máre mija coapa. Que teni mija buojarājaramu majidivū Jūmenijicui ũróre muje ḏarājiyede. Aru Jūmenijicui ũrō mearomu, torojure ḏaino, aru ye jaubenomu.

<sup>3</sup>Jūmenijicu pñeno meacu baju mearo ḏacaibi yure, jívu yo ji memeinore, ji memecaquiyepa ayu mujare. Que baru coyuyubu mujare, yópe arí: “Mearamu ũija”, arí dápiajekarā mija muje baju. Quénora “Jūmenijicui caḏatebedu yure, apejīene ḏaiye majibejebu yu”, arí dápiajarā mija coapa. <sup>4</sup>Maje baju cūinárovacaribu cūvae ũre cūepe. Ūbenita caiye iye mememevu cūináromia. <sup>5</sup>Quédecu maja, Jesúre ju aipōeva, obedivubu. Ūbenita cūinábajupe paivubu maja Jesúque. Cūinávūpe Jūmenijicu cōjijovaiibi majare caivu apevūque. Que teni cūinábajupe paivubu maja.

<sup>6</sup>Jūmenijicu p̄eno meacu baju majide đaquemavu majare coapa bojecubeda ũi majiécārōre, maje cađatenajiyeye ayu aprevure. Que baru caivu maja coapa đaiye jaunu majare yópe ũi majide đaiye báquepe. Jūmenijicui jídu ũi majiécārōre maje soyucarājiyeye ayu ũi yávaiyede, soyucarājarevu diede, aipino ũi majare jíno mácarōpe majare coapa. <sup>7</sup>Jūmenijicui jídu ũi majiécārōre maje memecarājiyeye ayu aprevu Jesúre ju aivure, memecarājarevu náre. Jūmenijicui jídu ũi majiécārōre maje buenajiyeye ayu p̄evare, buenajarevu náre. <sup>8</sup>Jūmenijicui jídu ũi majiécārōre maje cađatenajiyeye ayu aprevure, cađatenajarevu náre. Majacavu jívu baru ne cūvecarōre aprevure, jíjarāri náre jecubevuva. Majacavu jaboteivu baru ina ju aip̄evare, urarō memejarari na. Majacavu cōmaje āroje jáivu baru aprevure aru mearo đacaivu baru náre, torojurivu náre mearo đacajarāri na.

**Aipe đaiye jauro Jesúre ju aip̄evare**

(Mt 5.44, 19.18-19, 22.21; Mr 12.17;  
Lc 6.28, 20.25; 2 Co 8.21; Ef 6.11-17; He 10.30, 13.2; 1 P 4.9)

<sup>9</sup>Ūjarā aprevure aru me đajarā náre jāve. P̄caūmea cubevuva cađatejarā náre. Ūbejarā āmenore. Cainumua đajarā mearore. <sup>10</sup>Ūjarā muja muje bajumia. Torojurivu jájara muja coapa aprevure muje p̄enocavure aru p̄ueđajarā náre máre.

<sup>11</sup>Jūracubejarā. Quénora pare muje đaiyueque memejara muja. Memecajarā urarōreca maje jabocu Jesucristore muje ũeque.

<sup>12</sup>Napini coreivubu muja Jūmenijicui mearo đacaquiyede mujare. Que baru torojurā muja cainumua. Napijara muja muje nájiyede. Aru ũetubevuva soyujarā Jūmenijicuque cainumua.

<sup>13</sup>Jíjarā muje cūvecarōre aru tātuturare máre ina Jūmenijicui p̄evacavure jauéde. Me copu etajarā ina curādaivure muje yebai apenoacavure.

<sup>14</sup>Jēniajara muja Jūmenijicuque, ũi āmedabequiyeye aivu ina muje mauvare.

Aru mujavacari āmeina yávabejarā náre. Quénora jēniajara Jūmenijicuque, ũi mearo đacaquiyeye aivu náre.

<sup>15</sup>Torojurarā muja ina torojurivūque. Aru chíori ojarā muja ina aprevu chíori oivūque.

<sup>16</sup>Cārijimenoque cūjarā muja aprevūque. Cūináturu muje ũmei dápiajarā muja. Aru jájara caivu aprevure cūináturu. Dápiabejarā muja coapa “¿Meara márica?” aprevu p̄eno. Quénora yóvajarā muja ina cōmaje ārojarivure. Dápiabejarā muja urarō me majidivure.

<sup>17</sup>Apevu ne āmeno đaiyede mujare, copu āmeno đabejarā náre. Jipocamia dápiajarā aipe đaiye jaurore, aprevu ne járajyeye aivu muja jujovabevure.

<sup>18</sup>Mujacapūravu caiye muje đaiyeque cārijimena cūre đajarā muje bajumia.

<sup>19</sup>Muja, ji yóvaimara, cainumua nájine đabejarā muja aprevure, ne nájine đaiye báque boje mujare. Quénora corejarā Jūmenijicu nájine đacuyure náre. Que baru yópe arī, Jūmenijicu toivaicōjenejaquemavu ũi yávaiyede: “Yurecabu nájine đacuyu ina āmeina đaivu bācvure aprevure. Yúvacari bojedare đacuyumu náre yópe ne āmeno đaino mácarōpe”, arejaquemavu maje jabocu Jūmenijicu. <sup>20</sup>Que baru đajarā muja yópe Jūmenijicui toivaicōjeiye báquepe ũi yávaiyede: “Muje mauvai nájinu āvúeña, jíjarā muja náre ne āiyeva. Aru muje mauvai ũcuiyuru, jíjarā muja náre ne ũcuiyeva. Que đarīburu yóboi, nácapūravui chíomenu mujare ne nájine đaiye báquede, p̄eno urarō nájine đarājaramu muja Jūmenijicui nájiovaquijāravu baquinóre ne maucūvae báque boje mujare, muje mearo đacaiyedeca náre”, arejaquemavu Jūmenijicu. <sup>21</sup>Āmenore đare đaicōjemejara ina āmeno đare đavure mujare. Quénora mearo đacajarā muja caivure, bíjarorājivu muje mauva ne āmenore đaiyede.

**13** <sup>1</sup>Caivu ina jabovare Jūmenijicu jaboteicōjeimi ijāravure. Que baru caivu p̄evare ju aye jaunu ina jabovare coapa. Aru ina jabova

Jūmenijicui epeimaramu. <sup>2</sup>Ácu pōescu maucuvacu baru jabocure, maucuvaibi Jūmenijicui epeimū mácure. Que teni ñai pōescu ñájicuyume ũi maucuvae boje. <sup>3</sup>Ina mearore ðaivu jidubema jabovare. Quénora ina ámenore ðaivu jiduma jabovare. Que baru muja jiduiyubevu baru jabovare, mearo ðajarā. Aru ina jabova me járajarama mujare. <sup>4</sup>Ina jabova Jūmenijicui epeimaramu na, me cadatenajivu mujare, aru mujare cadatede ðarājivu apevure máre. Ūbenita muja ámenore ðaivu baru, jidujarā náre. Nájine ðaivu buojadama na. Aru ñájine ðadama na ámeno ðaivure. Que teni ina jabova Jūmenijicui epeimara ñájine ðarājivubu ámeno ðaivure. <sup>5</sup>Que baru ju aiye jauvu mujare ina jabovare, ne ñájine ðabenajiyeye aivu aru “Boropatebevu yu”, muje arī dápjarāiyeye aivu máre. <sup>6</sup>Que baru bojedaiyede máre jíye jauvu ina jabova ne tautura ícōjeiye boje caivu ne jaborōcavure. Jūmenijicuvacari ũi epeinore memeivubu ina jabova. <sup>7</sup>Bojedajarā muja ina jabovare caino mujare bojedaiye jaurōre. Aru pueðajarā caivu ina jabovare, mujare cōjeivure máre.

<sup>8</sup>Bojecube ðabejarā apevure.

Quénora cūinārora ðaiye jauvu mujare: Ūjarā apevure. Ácu pōescu ũcu baru apevure, ðaibi caiyede yópe Jūmenijicui ðaicōjeiye coyuiyeye. <sup>9</sup>Yópe ðaicōjenejaquemavu Jūmenijicu pōevare: “Cubekarā apevūque mujemarebucvare jaruvarī. Boarī jaruvabejarā pōevare. Ñavamejara. Āujimejara apevu ne cūvaede”, arī ðaicōjenejaquemavu. Caiye iye ðaicōjeiye aru caiye ape ðaicōjeiye máre cūināromia yópe aiynōmu: “Muja coapa ũjarā mujevure, yópe muje ũpedeca muje bajure”, aiyeubu iye. <sup>10</sup>Ácu pōescu ũcu baru ũ jivure, ye ámenore ðabecuyume náre cainumua. Que baru pōescu ũcu baru ũ jivure, ñai ðaibi caiyede iye ðaicōjeiye coyuiyeye.

<sup>11</sup>Aru caiye iye ji coyuiyeye ðaiye jauvu mujare, muje majié boje ijāravui vaiyede. Cāivupe paivubu muja.

Ūbenita coedaiye jauvu mujare. Jesúí copaidaquijāravu, ũi nuvaquijāravu baquinó majare cavarō mearo ũi curōi, joabevu caride, maje Jesúre mamarumu ju aijāravu bácarō pueno. <sup>12</sup>Maje cuede ijāravui yópe ñamipe painomu. Ūbenita joabevu miadāe tuiyeye paino maquinó, Jesúí copaidaquiyede yore. Que baru dajocaiye jauvu majare caiye iye ámeina teiyede, pōeva ne ðare nuiyede ñami, apevu ne járī buojabede náre. Quénora ðaiye jauvu majare caiye iye me teiyede yópe Jūmenijicui ũrōpe, pōeva ne ðare nuiyede jāravu, apevu ne jáiyede náre. Que baru yópe churara boaicarovede ĩni, ũi meateiyeye boacáyu ũi mauvare, nopedeca Jūmenijicui majiéque meateiye jauvu majare, ðabeburī ámenore. <sup>13</sup>Que baru jauvu majare maje ðare nuiye yópe curivupe jāravu, apevu ne járī buojaiyede náre. “Ūcurajare” abeni, ũrarō boqueiyede ũcumeni, pacotebejarā muja. Aru ámeina ðabejarā muja apevūque mujemarebucvare ámevūque. Aru jarabeni jorojimejara muja apevūque máre. <sup>14</sup>Ūbenita maje jabocu Jesucristore jēniajara, ũi cadatequiyeye aivu mujare, muje curājiyeye aivu yópe ũi ũrōpe. Aru muje ámeina ðaiyuepe dápiaiye dajocarī, ðabejarā muje ũrō ámenore.

“Ámenamu”, arī yāvabejarā  
mujacavure

(2 Co 5.10; Col 2.16)

**14** <sup>1</sup>Me coru etajarā muja ina Jesúre ju aivu coreóvabevure cāreja aipe ne ju aiye de Jesúre. Aru, “Majibevu muja”, arī yāvabejarā náre. <sup>2</sup>Apevu Jesúre ju aipōeva me coreóvaivu aipe ne ju aiye de Jesúre, ádama áde áiyede. Ūbenita apevu Jesúre ju aipōeva coreóvabevu cāreja iye ne ju aiye de Jesúre, átema áimajiaruare, ne dápiaiye boje Jūmenijicu ũbecure náre áimajiaruare áivure. <sup>3</sup>Muja caijiene áivu ámeina jámejara ina áimajiaruare ámevure. Quédeca muja áimajiaruare ámevu ámeina yāvabejarā ina caijiene áivure. Jūmenijicuvacari me jáñu

coatebebi ina caijiene aivure ù jinare jocarí. <sup>4</sup>Jaruvarí buojabevu mu apecu ùmure memecayure. Quénora ñai ùi memecaimu quécu cùinácunabe buojarí jaruvayu o mautede ðayu úre. Nópe mi jaruvarí buojabepedeca apecu múcacure, Jümenijicucavari, caivu ne jabocu, jaruvacuyume o mautede ðacuyume úre.

<sup>5</sup>Aru apevu Jesúre ju aipöeva áruvivubu cùinájárvure me apejávruva pueno. Ùbenita apevu Jesúre ju aipöeva áruvivubu cùináturu járvruva coapa. Majijararí caivure jávene ne dápiainore. <sup>6</sup>Majacavu me áruvivu baru cùinájárvure apejávruva pueno ðadama nópe, pueðarájivu Jümenijicure. Aru majacavu áruvivu baru cùináturu járvruva coapa ðadama nópe, pueðarájivu Jümenijicure. Aru majacavu caijiene aivu nópe ðadama, pueðarájivu Jümenijicure, aru torojuede jíyama úre, ùi jíye boje náre ne áiyeva. Aru majacavu áimajiaruare ámevu máre nópe ðadama, pueðarájivu Jümenijicure, aru torojuede jíyama úre, ùi jíye boje náre ne áiyeva.

<sup>7</sup>Pöecu cubebi majacavu jëneboi jaboteyu ùi baju ùi apuéde cáreja. Jesúre ju aipöecu cubebi cùinácuna. Quédeca pöecu cubebi jaboteyu ùi baju ùi yayiede máre. Jesúre ju aipöecu yaiðébi cùinácuna. <sup>8</sup>Maje apuéde cáreja maje jabocu jinamu maja, pueðarájivu úre. Aru maje yayiede máre maje jabocu jinamu maja, pueðarájivu úre. Que teni apuvivu baru maja cáreja, Cristo jinamu maja. Aru yaivu bácvu baru máre, Cristo jina márajivubu maja. <sup>9</sup>Cristoi yayie báque boje aru ùi nacajaiye báque boje yainore jaruvarí, jaboteyube ù caivure, apuvivure aru yaivu bácvure máre.

<sup>10</sup>¿Aipe teni apevu mujacavu ámeina yávaivurú apevu Jesúre ju aipöevare, mívure paivure? ¿Aru aipe teni apevu mujacavu ámeina jáivurú apevu Jesúre ju aipöevare, mívure paivure? Nópe ðabejará muje baju. Caivu maja núrajaramu Cristoi coyquiyede maje ðaiye báquede méne o ámene

ùí jáinoi. <sup>11</sup>Yópe arí, Jümenijicu toivaicöjenejaquemavu ùi yávaiyede:

Yópe aibi maje jabocu: “Ji cainumua cue boje, coyuyubu mujare yópe vaiquiyede jáve. Caivu ijárvucavu ñuatutarí mearore jínajarama yure. Caivu ijárvucavu coyurájarama yure, ‘Jümenijicutamu mu. Ññje jabocubu mu’, arájarama caivu”, arejaquemavu Jümenijicu.

<sup>12</sup>Que baru caivu majavacari coyurájaramu Jümenijicure maje borore, caiye maje ðaiye báquede.

**Ámeno ðare ðabejará mujevure**  
(Mt 15.1-20; Mr 7.1-23)

<sup>13</sup>Que baru ámeina yávabenajarevu majevure. Quénora majijará muje úme muja ámeina teivure. Que baru mearo ðajará, mujevü ne vainí tubenajiyepe aivu, ne jáiye boje muje ámeina teiyede. <sup>14</sup>Yu jáve coreóvaivu ye áiye cubede yure ámedaiye, yure coavaiye Jümenijicure jaruvarí. Nópe buedejaquemavu maje jabocu Jesucristo. Ùbenita apecu “Ámetede ðaivu yure”, ùi arí dápiaru apejiene, diedecabu ámetede ðaiye úre. Que baru maja coapa dápiarí majidivubu ámeina teiyede.

<sup>15</sup>Áiyeque muje chíore ðaru apevu Jesúre ju aipöevare ne úmei, meamejebu no. Muje nópe ðaiyeque, jáðovajebu muja ubevure náre. Jesucristo yaidéjaquemavu bojeðayu náre máre. Que baru bíjarobejará muja náre, ne coatenajiyepe aivu Jümenijicure jaruvarí, muje apejiene áiyue boje. <sup>16</sup>Que baru muja ðaivu baru apejiene, méne muje jáiyede, “Boropatebevu yu”, muje arí dápiayede muje ðaiyede diede, aru pöevare cadateiyede máre, ùbenita apecu Jesúre ju aipöecu ámeina járu, o ámeina yávaru diede, dajocajará muje ðaiyede. Quénora ðabejará muja diede.

<sup>17</sup>Jümenijicu maje jabocube. Ùbenita majare jabotebebi maje ári aru úcuri teiye boje. Quénora cujará me nurie ðaivu, cárijimena, aru torojuvü, yópe ñai Espíritu Santoi cöjeiyepe majare.

Nópe ðaru, Jūmenijicu jaboteibi majare. <sup>18</sup>Aru caivu ina memecaivu Cristore nópe ðaivu, nárecabu me Jūmenijicure torojure ðaivu, aru pōevare máre me járe ðaivu, aru me yávare ðaivu náre.

<sup>19</sup>Que baru cainumua cārijimene ðarājarevu maja apevure. Aru cainumua cadatenajarevu maja apevu majacavure, pñeno parurōreca ne ju are nurajiyepa aivu Jesúre aru pñeno me ne surājiyepa aivu úque. <sup>20</sup>Jūmenijicu pōevare ju are nure ðaibi pñeno parurōreca Jesúre. Que baru mujacapuravu āmedabegarā náre ne ju aiyede Jesúre, muje apejene āiyue boje. Aiyede cubevu āmedaiye pōevare, náre coavaiye Jūmenijicure jaruvārī. Ne āru muje āiyepedeca aru “Āmeina ðaiyebu ñjare”, arī dāpiaru, mujacapuravu āmeno ðajebu náre, muje āiyede boje. <sup>21</sup>Que baru āmejara muja āimajiaruare, aru ūcumejara boqueiyede máre, aru ðabejarā caiye apejēne, mujacacu Jesúre ju aipōecu vainī turī ūi ðabequiyepa aivu āmenore muje ðaiyede jári. <sup>22</sup>Muje dāpiainore muje āiyede, muje ūcuiyede, aru muje ðaiyede máre coyubejarā apevure. Quénora Jūmenijicuvacari coreóvacuyume diede. Nai pōecu caiyede ðayu baru, “Boropatebevū yu”, arī dāpiarī, ūrecabe Jūmenijicui torojure ðaimu. <sup>23</sup>Ūbenita ñai pōecu “Majibevū yu mearore ji āino, ji ūcuino, aru ji ðaino” arī dāpiayu baru, ūrecabe Jūmenijicui āmeina jáimū. Ūi nópe ðaiyede, “Majibevū yu Jūmenijicu ucure diede” arī dāpiayu baru, boropateyube ū Jūmenijicui jáinore. Caiye maje ðaiyede, “Meaquiyebu” arī dāpiabevū baru, āmeina teivubu maja.

#### Torojure ðarājarevu majacavure

**15** <sup>1</sup>Maja Jesúre ju aipōeva me coreóvaivubu aipe maje ju aiyede Jesúre. Que baru majare cadateiyepa javvu apevure, Jesúre ju aipōeva coreóvabevure cāreja aipe ne ju aiyede Jesúre, ne vainī tubenajiyepa aivu āmeina teiyede. Maje urōpe ðaiye javbevū majare. <sup>2</sup>Quénora ðacaiye javvu majare apevu Jesúre ju aivure, torojure

ðarājivu náre aru parure ðarājivu ne ūmene. Nópe ðaiye javvu majare, ne pñeno urarō majinajiyepa aivu aipe ne ju aiyede Jesúre. <sup>3</sup>Cristovacari ūi baju torojure ðabedejaquemavu. Quénora vaidéjaquemavu ūre yópe Jūmenijicui toivaicōjeiyepa báquepe ūi yávaiyede: “Pōeva ne āmeina yávaiyepa mure, āmeina yávadama yure máre”, arejaquemavu Jūmenijicure. <sup>4</sup>Aru caiye iye toivaie báque Jūmenijicui yávaiyede toivaicōjenejaquemavu, maje buenajiyepa ayu. Maje bueiyede diede, napivubu maje ñájiyede aru torojurivubu. Que baru napini coreivubu Jūmenijicui mearo ðacaquiyede majare. <sup>5</sup>Aru Jūmenijicu napine ðaibi pōevare, aru torojure ðaibi náre máre. Que baru cure ðajacurī mujare cārijimevūva cūináturu muje ūme, muje ðarājiyepa ayu nópe Jesucristoi ðaiye báquepe. <sup>6</sup>Que teni caivu muja, cūináturu muje ūme aru cūinácumua, jjarā mearore Jūmenijicure, maje jabocu Jesucristoi mearore jímure, jipacure máre.

#### Judíova āmevu ne jápiaino Jūmenijicui yávaiye méne

<sup>7</sup>Copu etajarā muja mujevure yópe Jesucristoi copu etaiyepa majare, pōeva ne mearore jínajiyepa aivu Jūmenijicure. <sup>8</sup>Yu coyuyubu muja yópe: Cristo ðarejaquemavu memecaipōecupe, judíovare cadatecuyū. Que ðarī, jáðovarejaquemavu Jūmenijicure jáve ðayure yópe “Ðacacuyumu yu”, ūi aiyede báquepedeca. Cristo jáve ðarejaquemavu caiye iye Jūmenijicui coyuiyepa báquepedeca judíovai ñecuva mácavure. <sup>9</sup>Aru Cristo máre mearore jíde ðarejaquemavu Jūmenijicure ina judíova āmevure, Jūmenijicui cōmaje āroje jáiye boje náre. Yópe arī, Jūmenijicu toivaicōjenejaquemavu ūi yávaiyede Cristorā:

Ji cuede judíova āmevu jēneboi, mearore jícuymu yu mure. Aru yuriacuyumu yu, torojuede máre jícuymu mure, arejaquemavu Jūmenijicure.

<sup>10</sup>Aru yópe arí, Jūmenijicu  
toivaicōjenejaquemavu ũi yávaiyede:

Muja, judíova āmevu, torojurā  
muja Jūmenijicui beoimaraque,  
arí toivaicōjenejaquemavu.

<sup>11</sup>Aru yópe máre arí, Jūmenijicu  
toivaicōjenejaquemavu ũi yávaiyede  
cojedeca:

Caivu muja judíova āmevu, mearore  
jjarā Jūmenijicure. Muja, caivu  
pōeva, mearore jjarā ũre, arí  
toivaicōjenejaquemavu.

<sup>12</sup>Aru Jūmenijicu Isaías bācure, yópe arí,  
coycaicōjenejaquemavu ũi yávaiyede:

Isaí bācui pāramenacacu  
bacuyú dacuyume. Jūmenijicu  
epescuyume ũre, ũi jabotequiyepa  
ayu ina judíova āmevure. Aru  
ũ napini corede đacuyume  
ina judíova āmevure, arí  
toivarejaquemavu Isaías bācu.

<sup>13</sup>Jūmenijicu napini corede đayube  
mujare. Que baru me torojure đajacurí  
mujare me aru cārijimenoque cure  
đajacurí mujare, muje ju aye boje ũre.  
Nópe đajacurí ũ mujare ũai Espírиту  
Santoi paruéque.

<sup>14</sup>Muja, jívnu, yúvacari jāve majivu  
mujare meara baju cađateivure aru me  
majidivure aipe đaiye jaurōre mujare,  
mujare majicarājiyepa ayu mujevure.

<sup>15</sup>Ūbenita iyoca paperayocare apacure  
toivaicōjeivnu yu mujare yavebecuva. Yo  
ji coyūno diyocaque ārure đaiyu aipe  
đaiye jaurōre mujare, Jūmenijicui epeiye  
beorí coyūcōjeimure, ũi mearo đacaiye  
bojecubeque. <sup>16</sup>Que teni yurecabu  
Jesucristore memecaipōecu, buescuy  
ina judíova āmevure. Yópe sacerdote  
ũi memeiyepe Jūmenijicui cūrami jívnu  
memeñmu yu, cađatecuy pōevare ne  
mearore jíyede Jūmenijicure. Coyuyubu  
Jūmenijicui yávaiye méne náre, ũ jina  
marajiyépe ayu yópe jícaiyepa ũre,  
torojūquiyepa ayu ne ju aiyede Cristore.  
Ūai Espírиту Santo epeyube náre, judíova  
āmevure, Jūmenijicu jinava.

<sup>17</sup>Yurecabu cūcu Jesucristoque  
cūinávure. Que baru torojūvnu yu

memecayū me Jūmenijicure. <sup>18</sup>Yu  
yávaquijivnu jidubecuva cūináro ji  
coyūquinore. Coyūquijivnu aipe Cristo  
yure buede đayure aru aipe ju are  
đayure Jūmenijicure ina judíova  
āmevure máre. <sup>19</sup>Ūai Espírиту Santo  
parure đabi yure, ji đaquiyepa ayu  
pōeva ne jāmene aru ne đarí majibede  
máre, ne coreóvarājiyepa ayu jāve ji  
coyūiyede. Que teni cucūnri cainoa  
joborōare Jerusalén āmicurímarore  
jocarí pu Iliria āmicuríjoborōita,  
coyūcacu caiye iye Jesucristoi yávaiye  
méne ĩmaroa coapa. <sup>20</sup>Cūináromu  
ji urō. Coyūiyvnu yu iye yávaiye  
méne áro ĩmaro ne jápiabenoí cāreja  
Cristorā, đabecuyū apevu ne memeni  
buino mácarōre. <sup>21</sup>Que baru yópe arí,  
Jūmenijicu toivaicōjenejaquemavu ũi  
yávaiyede:

Ina coyūbemara mácavu ũi borore  
cāreja jārarama na. Aru ina  
jápiabevnu bācavu ũi borore cāreja  
jápiarí coreóvarājarama na máre,  
arejaquemavu Jūmenijicu.

**Pablo ũi jácūnuiyurō Romacavure**  
(Ro 1.13; 1 Co 9.11, 16.1-4)

<sup>22</sup>Que baru obedinmua  
jácūnuiyuriducacu yu muje yebai.  
<sup>23-24</sup>Ūbenita caride jave buojavnu yu  
ji memeiyepe yo joborōre. Que baru  
obediūna joe jácūnuiyuriduyū, napini  
coreivnu yu ji jácūnuquiyede mujare  
joabejēna. Ji nuquiyede España  
āmicuríjoborōi, mauteiyvnu yu muje  
yebai obedijārvna, coreóvacuyū mujare  
coapa aru muje cađatenajiyepa ayu yure  
ji eaquiyede España āmicuríjoborōi, ji  
cūriburu yóboi mujaque.

<sup>25</sup>Ūbenita carijie nuquijivnu Jerusalén  
āmicurímaroi, cađatecuyū Jesúre ju  
aipōevare noi. <sup>26</sup>Ina Jesúre ju aipōeva  
cójjivaivnu Macedonia aru Acaya  
āmicuríjoborōacavu máre torojūrivnu  
jýuma ne tātūrare, cađatenajivnu ina  
Jerusalén āmicurímarocavu Jesúre ju  
aivucavu cūve cūvabevure. <sup>27</sup>Name  
jícōjemema náre. Quépora torojūrivnu  
“Jínajarevnu, cađatenajivnu ina cūve

cuvabevure”, aquemavu na. Ûbenita jãve nãre caðateiye javvu. Cristoi ðaquiyee jipocare maja judíoova quévura cuvarejaquemavu Jũmenijicui mearo ðacaiyede majare. Aru majarecabu coreóvare ðaivu ina judíoova ãmevure Jesucristoi yávaiye méne, ne cuvãrãjiyeepe aivu iye Jũmenijicui mearo ðacaiyede nãre máre. <sup>28</sup>Yũ jiyũ bãcu ina Jerusalécavu judíoova Jesúre ju aivure caiye iye judíoova ãmevu ne jíye báquede, ina judíoova ne majinajiyeepe ayu arevu judíoova ãmevu jãve ju aivure Jesúre napedeca, etaquijivu nore jocarĩ nucuyũ España ãmicurijoborõi, aru jácudaquijivu muje yebai, noi nuñvucarĩ. <sup>29</sup>Aru ji eaiyede muje yebai, majivu yũ Jesucristore mearo ðacacuyure majare.

<sup>30</sup>Muja, jívu, parurõque jëniaivu mujare, maje ju aiyee boje maje jabocu Jesucristore aru ñai Espíritu Santoi uede ðaiye boje majacavure. Jëniaivu yũ mujare, muje jëniacarãjiyeepe ayu yure Jũmenijicucue parurõreca. <sup>31</sup>Jëniajara úque ina Judea ãmicurijoborõcavu Jesúre ju abevu ne ãmeina ðabenajiyeepe aivu yure. Aru jëniajara Jerusalén ãmicurii marocavu Jesúre ju aivu máre ne torojurĩ jacorurãjiyeepe aivu ji nuvacaquiyede nãre. <sup>32</sup>Que teni Jãmenijicui urĩburu, yũ torojucu eacuyumu muje yebai. Aru ji cue mujaque torojure ðaquiyebu yure máre. Caiye diede jëniacajarã yure Jũmenijicucue. <sup>33</sup>Yũ jëniaivu Jũmenijicure, ñai cãrijimenoque cure ðayure pòevare me, ñi cuquiyeepe ayu caivu mujaque. Quédecabu.

**Pablo ñi meaicõjeino Romacavure**

(Mr 15.21; Hch 16.1, 18.2, 19.29;

1 Co 1.14; 2 Ti 4.20)

**16** <sup>1</sup>Majevucaco õi ãmiã Febe ju aðobe Jesúre majapedeca. Que baru uvu yũ muje me jacoruiyede óre. Ò caðateipòecobe ina Jesúre ju aivu cójjinocavure Cencrea ãmicurii marocavure. <sup>2</sup>Me jacorurãjarã óre, õi Jesúre ju aiyee boje. Nópe ðaiye

javvu caivu Jesúre ju aipòeva arevu ju aivure. Óvucarĩ me caðateibico obedivu pòevare aru yure máre. Que baru caðatejarã caiye óre javéde.

<sup>3</sup>Meajarari Prisca aru Aquila máre, ji yóvaimara; memecaivu Jesucristore boje. <sup>4</sup>Ina yainíduima yure boje, ji mauva ne boarĩ jaruvãriðuiyede yure. Que baru urarõ pare torojuede jívu yũ nãre. Aru caivu ina judíoova ãmevu Jesúre ju aipòeva máre torojuede jívu yũ nãre. <sup>5</sup>Aru quédeca meajarari caivu ina Jesúre ju aipòeva cójjiivaivu ne cõrami jívu.

Meajacurĩ ñai ji uvu Epeneto. Û ju ãme Jesúre caivu arevu Asia ãmicurijoborõcavu jipocai. <sup>6</sup>Meajacorĩ ico María. Pare urarõ memecaibicoða õ mujare. <sup>7</sup>Meajarari ina Andrónico aru Júnias máre. Ina yúpe paivu judíovabu. ãmeina teivure jëni jacoĩñami cãteima na yúque. Arevu ina Jesúre ju aivu ne daroimara coyurãjivu Jesús ñi yávaiye méne me puedadama nãre. Aru Jesúre ju arejaquemavu na ji jipocai.

<sup>8</sup>Meajacurĩ ñai Ampliato, ji uvu. Û ji yóvaimume Jesucristoque cünãvure. <sup>9</sup>Meajacurĩ ñai Urbano, maje yóvaimu memecayũ Cristore. Aru meajacurĩ ñai Estaquis, apecu ji uvu. <sup>10</sup>Meajacurĩ ñai Apeles. Û jáðovaimi jãve ñi ju aiyede Jesúre. Meajarari ina Aristóbulo cõramicavu. <sup>11</sup>Meajacurĩ ñai Herodión. Û máre judíovacacube. Aru meajarari ina Narciso cõramicavu Jesúre ju aivu máre. <sup>12</sup>Meajarari ina purãrã nomiva Trifena aru Trifosa máre. Urarõreca memecadama na maje jabocu Jesúre. Aru meajacorĩ maje uvu Pérsida. Ò máre pare memecaibico maje jabocu Jesúre.

<sup>13</sup>Meajacurĩ ñai Rufo. Caivu majidivubu úre me ju ayure maje jabocu Jesúre. Aru meajacorĩ Rufoi paco máre. Ò me caðateibico yure yópe jipacope baju. <sup>14</sup>Meajarari ina Asíncrito, Flegonte, Hermes, Patrobas, Hermas, aru caivu ina Jesúre ju aipòeva náque curivu máre. <sup>15</sup>Meajarari ina Filólogo aru Julia máre, Nereo aru ñi yóco Olímpas, aru caivu



ina Jūmenijicui pōeva náque curivũ máre.

<sup>16</sup> Me jacoyujarã muja mjevũre, muje jivare nuri, muje Jūmenijicu jina mae boje. Caivũ Jesũre ju aipōeva cójjiñocavũ meaicōjedama mujare.

<sup>17</sup> Muja, jívu, yũ parũrōque jēniavũ mujare yópe: Me jájara ina maucvũre ðaivũre apevũre. Me jájara ina vaini ture ðarĩduivũre apevũre, dajocare ðaiyũrĩduivũre náre ne ju aiyede Jesũre. Me jájara ina buevũre apeno bueinore muje bueiye báquede jaruvarĩ. Yóvabejarã náre. <sup>18</sup> Ina pōeva dápiabenama aipe memecaiye jaurõre náre maje jabocũ Jesucristore. Quénora dápiadama na ne ārãiyede. Ũbenina yávadama yávaiye jávepe painore. Ũbenita jujoadama na ina majibevũre.

<sup>19</sup> Caivũ pōeva jápiaivũbu muje borore, paruéque ju aivũre Jesús ũi yávaiye méne. Que baru torojurĩ ārũvu yũ mujare. Yũ ũvu mujare me majidivũre mearo ðaiyede, muje cadatenajiyepe ayũ apevũre. Ũbenita yũ ũvu ye majibevũre mujare ámeno ðaiyede, muje ámeina ðabenajiyepe ayũ apevũre. <sup>20</sup> Aru Jūmenijicu, ñai majare cãrijimenoque me cure ðayũ, maumejiena mujare bĩjarocuyũme ñai abujuvai jabocũre, ũi ámiá Satanás. Maje jabocũ Jesucristo me caðatejacurĩ mujare cainũmua, ũi me boje.

<sup>21</sup> Timoteo, yáque memeiũ memecayũ Jesũre, meaicōjeimi mujare. Aru apevũ judíova máre, Lucio, Jasón, aru Sosípater máre meaicōjedama mujare.

<sup>22</sup> Yũ, Tercio, toivacayũ Pablöre ũi coyũiyede mujare iyoca paperayocare, mujape páyũ yũ máre ju ayũ Jesũre, meaicōjeivũ mujare.

<sup>23</sup> Yũ, Pablo, cuvũ Gayoi cūrami. Aru ũi cūrami Jesũre ju aipōevai cójjiñamimu. Ñai Gayo meaicōjeimi mujare. Aru Erasto, yo ímarocavũ ne tãutũrare coreipōecu máre, meaicōjeimi mujare. Aru Cuarto máre, apescu majescu, Jesũre ju ayũ, meaicōjeimi mujare.

<sup>24</sup> Maje jabocũ Jesucristo me caðatejacurĩ mujare cainũmua, ũi me boje.

#### **Pablo ũi jino mearore Jūmenijicũre**

<sup>25</sup> Mearore jĩjarãri Jūmenijicũre caivũ cainũmua. Jūmenijicu parure ðarĩ buojaibi mujare muje ju aiyede Jesús ũi yávaiye méne. Iye yávaiye méne coyũyũbu yũ. Jesucristoi borore Jūmenijicui jáðovameno mácarõre jipocamia ũbenita jáðovainore caride coyũyũbu yũ. <sup>26</sup> Ũbenita cari ina Jūmenijicui yávaiyede coyũcaipōeva mácavũ ne toivaiye báque boje, iye Jūmenijicui yávaiyede jávene majidivũ buojaadama caivũ pōeva. Javede apevũ pōeva majidejaquemavũ iye yávaiyede. Aru Jūmenijicu, cainũmua arũcũ, coreóvaicōjeimi diede caivũ pōeyajuboacavũ, ne ju arãjiyepere ayũ Jūmenijicũre, ne ðarãjiyepere ayũ ũi urõpe. <sup>27</sup> Jūmenijicu cūinácũrabe ũ. Aru caiyede majibi ũ. Cainũmua pōeva mearore jĩjarãri úre, Jesucristoi ðaiye boje. Quédecabu. Quénoramũ.